

**BO'-ÀR KƠI PÔL POYOA
TƠ MƠNİH
RÔMA
BRUẢ DÔNG-PO'KLÀH KOYOA
PO'NUAĨ PĂNG-TUI**

(Mững tǎl 1:1-17)

Pơnuai Cũa-Rơwǎng

¹ Pôl, hơlũn-hơlǎ Yàng Jêsu Krist, hũ iơu-rơwah ngã mơnih tơdi-tơdài, sớng hũ piơh kơri tồ pơto-akhàn Pơnuai-Siàm Yàng Pô Lơngì,

² la Pơnuai-Siàm mững yau thơi Yàng Pô Lơngì hũ angui du mơnih gơnuǎr-hwởr Pô bloh đờm pơguǎn lǎm 'Bôn Bơ-àr Sớchih-Sri.

³ Nũn la Pơnuai-Siàm mững Anà Pô, la Pô tui gah rùp-phàp drah-rơlo hũ tởbiǎ mững jơi-pơtiàn Đabit,

⁴ tui bớngǎ gớdrũh sớchih-sri, nũn koyoa pơnuai hớdiũ wở Pô mững pơnuai mọtai, hũ ngã gơh la Anà Yàng Pô Lơngì gơnǎp-gơnuǎr, nũn la rùp-phũn Yàng Jêsu Krist, Yàng buol gudrơi.

⁵ Gơnũm tơ Pô buol dớlhǎ hũ đờ-mǎ pơnuai anit-bơri-soh sớng gơnuǎr-bruǎ mơnih tơdi-tơdài, tồ koyoa mững angǎn Pô ngã tơ abih tợgrở buol lǎng pǎng-duh Yàng sớng pǎng-bớbah ngã tui Pô.

⁶ Lăm du buol làng năn, hũ găm buol adoi-ai la du mơnih hũ Yàng iou-rơwah ngă buol làng Yàng Jêsu Krist.

⁷ Dơlhă poyoa tơ abih buol adoi-ai dò lăm plơi-prông Rôma, la du mơnih hũ Yàng Pô Lơngì uôn-rơnăm, hũ iou-rơwah tô tởbiă jĩng buol làng sớch-sri Pô.

Yòng lợkơu Yàng Pô Lơngì, Ama buol gudroi, sớng Yàng la Yàng Jêsu Krist, bơi pơnuai anit-bơi-soh sớng pơnuai rĩng-lơngai tơ buol adoi-ai.

Pơnuai Iou-Lài Sớng Ừnjomừn

⁸ Dơlơu biă, gơnừm tơ Yàng Jêsu Krist, dơlhă ừnjomừn Yàng Pô Lơngì dơlhă mững abih buol adoi-ai, koyoa lăm abih dun-ya, aràng sớ aràng năn kũng đờm truh pơnuai pãng-tui buol adoi-ai.

⁹ Yàng Pô Lơngì, la Pô bloh dơlhă abih hotai-hotiàn duh bruă lăm bruă poto-akhàn Pơnuai-Siàm mững Anà Pô, ngă gơh tơ dơlhă lài dơlhă 'buh tũ lời pơdơh sớdờ truh buol adoi-ai lăm tũ iou-lài.

¹⁰ Lăm yàu tũ dơlhă iou-lài, dơlhă yòng lợkơu Yàng Pô Lơngì, koyoa hotai-khiăng Pô, pơh jờlàn tơ dơlhă, tô dơlhă hũ rợgơi truh cũa-rơwăng buol adoi-ai.

¹¹ Koyoa dơlhă eh-uăn biă truh cũa-rơwăng buol adoi-ai, tô pơpha sớng buol adoi-ai pơnuai bơi-soh gah bợngă, gơnừm tơ năn ngă pràn-kỏjáp pơnuai pãng-tui buol adoi-ai.

¹² Koyoa tũ dơlhă dò tởkrah buol adoi-ai, buol gudroi rợũ hũ tũ poto-pơsờh pơnuai

păng-tui duă gơũ, nũn la pơnuai păng-tui buol adơi-ai sớng pơnuai păng-tui dơlũa.

¹³ Ở buol adơi-ai, dơlũa khiăng buol adơi-ai thơu lài, lô amăng bojơ dơlũa ngã-nĩn truh của-rơwăng buol adơi-ai, tô hũ rơgơi pẽ du bonga boh tơkrah buol adơi-ai yơu hũ pẽ tơkrah du buol làng agàh pơkõn, bloh tởl truh tơ tử ni sớđau kừ kớđòng cớkhã-pơkãl mĩt.

¹⁴ Dơlũa kớđòng sre sớng mớnih Grek kũng yơu mớnih 'buh tởl pơnuai wã-wờng, gãm mớnih jak-khờn kũng yơu mớnih bớngũl-gớla.

¹⁵ Koyoa nũn, dơlũa kũng abih hotai-hotiàn biã khiăng poto-akhàn Pơnuai-Siàm tơ buol adơi-ai, la du mớnih dò hớdiũ lăm Rôma.

Gơnãp-Gơnuãr Pơnuai-Siàm

¹⁶ Biã yơu nũn, dơlũa 'buh mớlou alah mũng Pơnuai-Siàm ơu, koyoa ni la gơnãp-gơnuãr Yàng Pô Lơngì tô dớng-pơklah tợgrớ mớnih păng-tui, dơlهوري la mớnih Juda, hớđoi la mớnih Grek.

¹⁷ Koyoa lăm Pơnuai-Siàm ni, pơnuai rĩng-tơpã Yàng Pô Lơngì hũ ràng-tơbiã mũng pơnuai păng-tui truh pơnuai păng-tui, yơu hũ pơnuai wã: "Mớnih rĩng-tơpã rớu hớdiũ koyoa pơnuai păng-tui."*

GLAI-SỒNH MỒNH DUN-YA SỒNG PỒNUAI CẢHỒNẢ YÀNG PỒ LỜNGÌ

(Mũng tãl 1:18 truh tãl 3:20)

* **1:17 1:17** Habakuk 2:4.

Glài-Sơnh Anà Mơnih Dun-Ya

18 Pơnuai anok-anoa prǒng Yàng Pô Lơngì mǔng ngǒ lơngì hủ ràng-tǒbiã tô tǎm-dră-wǒ sǒng tǒgrǒ pơnuai 'buh pǎng-duh sǒng tǒgrǒ pơnuai 'buh rǐng-tǒpǎ mǔng du mơnih angui pơnuai 'buh rǐng-tǒpǎ bloh jàm-pơkǒu pơnuai-tǒpǎ.

19 Koyoa tǒgrǒ pơnuai hǒgě anà mơnih hủ rǒgơi thơu jǐǒng mǔng Yàng Pô Lơngì nǔn hủ ràng-tǒbiã tǒ buǒl guǎu, koyoa Yàng Pô Lơngì hủ ràng-tǒbiã loh-làng tǒ buǒl guǎu bǒjơ.

20 Tǒgrǒ hǒgě mǔng Yàng Pô Lơngì bloh mǒta anà mơnih 'bu 'buh jǐǒng, nǔn la gơnǎp-gơnuār rài pơdò rài sǒng hǒtai-gơdrưh Pô, nǔn mǔng tǔ Yàng Pô Lơngì ǎrǒng-tǒbiã lơngì-tǒsì tǒnah-roya, anà mơnih hủ rǒgơi kràn-thơu jǐǒng tǔ ǎi 'buh tǒgrǒ hǒgě Pô hủ ǎrǒng-tǒbiã. Koyoa nǔn, buǒl guǎu 'buh rǒgơi đờm đǒng tǒ rùp-phũn đrơi jǐǒng.

21 Koyoa yah buǒl guǎu hủ thơu Yàng Pô Lơngì, buǒl guǎu sǒđau 'buh khiǎng moyòm-pơglòng Pô la Yàng Pô Lơngì sǒng 'buh ưnjomừn Pô. Tǒrblǒ wǒ, akǒ-glo buǒl guǎu kùr sǒnǔng-bơngoàn wǐ-wǒ, sǒng hǒtai-akǒ bǒrngũl-gơla buǒl guǎu tǒbiã jǐǒng kǒnǎm-mơsrũ.

22 Buǒl guǎu pơ-angǎn rùp-phũn đrơi la jak-khờh, bloh hủ tǒbiã jǐǒng hǒnrui-gơla.

23 Buǒl guǎu hủ pơsǒlih pơnuai mǎng-kǒcra Yàng Pô Lơngì, la Pô hǒdiũ rài pơdò rài, tô duh-dơlbǎt rùp-rǒp anà mơnih bǒhian la jơi pǎl mǒtai, halài rùp-rǒp du jơi ǎim, jơi-phũn pà gah

tôkai, halài jôi rơwơi sỡng tũng.

²⁴ Koyoa nũn, Yàng Pô Lợngì hũ luoi mớti buớ guũ nau tui du pơnuai hotai-hotiàn dơi hàm-khiăng, lể-tơma lăm pơnuai sỡ-sỡnh, tô ngả jờhà-mớlơu rùp-pháp đũa gờũ wữ.

²⁵ Koyoa buớ guũ hũ pơsớlih pơnuai-tơpã Yàng Pô Lợngì tô mã pơnuai lờ 'bớ; buớ guũ duh-dơlbắt sỡng duh-bruã jỡ-phỡn hũ ỡng-tobiã ala rùp-phủn Pô Ớng-tobiã, la Pô iớũ pãl hũ moyòm-pơglòng rài pơdò rài! Amen.

²⁶ Koyoa mũng pơnuai nũn bloh Yàng Pô Lợngì hũ luoi mớti buớ guũ lăm pơnuai hàm-khiăng bũng-pơkãl mớlơu alah. Lăm tởkrah buớ guũ, du mớnih kớmoi hũ pơsớlih pơnuai đìh-dò tui lớđáp-bớhiàn jỡng pơnuai tởblớ wữ sỡng lớđáp-bớhiàn.

²⁷ Du mớnih lớkới kũng yờu nũn rơi, luoi bruã đìh-dò tui lớđáp-bớhiàn sỡng mớnih kớmoi, bloh mã hotai-hotiàn hàm-khiăng đũa gờũ dơi wữ: mớnih lớkới ngả pơnuai bũng-pơkãl sỡ-jờhà đũa sỡng mớnih lớkới. Koyoa nũn buớ guũ pãl kớng pơnuai ngả glài iớũ pãl sỡng bruã sũng-jờhà bũng-pơkãl buớ guũ ngả.

²⁸ Koyoa buớ guũ 'buh ớ pơnuai kràn-thờ Yàng Pô Lợngì la prỡng-màng, nũn Yàng Pô Lợngì hũ prah luoi mớti buớ guũ tở hotai-akỏ sũng-jờhà bũng-pơkãl, tô ngả du bruã 'buh pãl ngả.

²⁹ Buớ guũ baũ-bềng tởgrớ pơnuai 'buh rỡng-tơpã, mớsak-jờhà, hàm-làm, sỡng mớsak ớmrah; hotai-hotiàn baũ du pơnuai oàn-mớbai,

pơmôtai mơnih, tằm-mớsaus tằmgeh, lờ 'bờ,
anok-anoa;

³⁰ bớrlời-sớdia, yă bớdah, mớbai Yàng Pô
Lơgì, sớk-sớrbil, yeh-droi, pơglòng-rùp, khờh
ngă pơnuai mớsak-jờhà, 'buh păng-bớbah ame
ama;

³¹ bớrngũl-gớla, 'buh ngã tui pơnuai
pơguăn-pơđoàn, 'buh hũ họtai-hotiàn rơnăm
mơnih pơkớn, 'buh hũ họtai-hotiàn anit-rơnăm.

³² Buớl guũ hũ thớu loh-làng pơnuai
adăt-adia Yàng Pô Lơgì hũ ngã-nỉn lài: yah
aràng soi ngã du bruă yờu nửn la păl môtai.
Nửn bloh 'buh iớu mĩn rùp-phũn buớl guũ ngã
du pơnuai nửn soh, bloh dò sa họtai ba-pơsờh
du mơnih pơkớn ngã tui wớ.

2

Bruă Yàng Pô Lơgì Čahroňa

¹ Yờu nửn, ớ mơnih dih, yah adoi-ai gớu la
aràng soi lờu, tũ čahroňa mơnih pơkớn nửn
adoi-ai gớu 'buh rợgời đờm đờng rùp-phũn droi
jiờng. Kớyoa tũ čahroňa mơnih pơkớn, adoi-ai
gớu kũng čahroňa rùp-phũn droi rời, kớyoa
adoi-ai gớu čahroňa buớl guũ, bloh kũng ngã
du bruă yờu buớl guũ rời.

² Buớl gudroi thớu lài: Yàng Pô Lơgì kừ tui
pơnuai-tớpă bloh čahroňa du mơnih ngã tợgrớ
bruă glài-sỏnoh yờu nửn.

³ Ở mơnih dih, tũ adoi-ai gớu čahroňa mơnih
pơkớn ngã du bruă yờu nửn, bloh rùp-phũn
adoi-ai gớu kũng ngã yờu nửn rời, adoi-ai gớu

sơnững lài dơi rồ klàh kớđòng Yàng Pô Lơngì
 ăhroña?

⁴ Halài adoi-ai gờ ỡ 'buh sớp tở
 hơtai-hơtiàn anit-rơnă, pơnuai kớng ă-ữn,
 sớng hơtai-hơtiàn anit toh-luoi glài-sơnoh
 đơlah-đơlài Pô, bloh 'buh kràn thơu lài: Yàng
 Pô Lơngì hũ hơtai-hơtiàn siàm-anit yơu nửn la
 tô ba adoi-ai gờ truh tở pơnuai mớbai
 prah-luoi glài-sơnoh ơu?

⁵ Bloh nửn la koyoa hơtai-hơtiàn kră-khăng,
 'buh khiăng mớbai prah-luoi glài-sơnoh, bloh
 adoi-ai gờ tởgũm-piơh tở rùp-phũn dơi
 pơnuai anok-anoa lăm hơrơi anok-anoa prớng,
 nửn la tũ Yàng Pô Lơngì ràng-tớbiă pơnuai
 ăhroña rĩng-tớpă Pô.

⁶ Koyoa Pô rồ bở-yàr wớ tở yàu aràng tui
 iớu sớng bruă buol guũu ngă.

⁷ Aràng sới kojăp hơtai-hơtiàn ngă bruă siàm,
 tui duah pơnuai mắng-kớcrà, pơnuai ỡ
 prớng-mắng sớng pơnuai 'buh tũ lơi mớtai, nửn
 Pô rồ bớri tở mớnih nửn pơnuai hớdiũ rài
 pồđò rài.

⁸ Dò du mớnih lơi hớdiũ kớrlĩh hơtai-hơtiàn,
 'buh pắng-duh pơnuai-tớpă, bloh pắng-duh
 pơnuai 'buh rĩng-tớpă, nửn rồ lếng pơnuai
 anok hơtai sớng pơnuai anok-anoa prớng Pô.

⁹ Pơnuai rũng-rài sớng pơnuai gleh-glăr rồ
 trũn tở ngổ du mớnih ngă pơnuai mớsak-jớhà,
 đơlơu tở mớnih Jứđă, hớđơi tở mớnih Grek.

¹⁰ Bloh pơnuai mắng-kớcrà, pơnuai
 prớng-mắng sớng pơnuai rĩng-lơngai, rồ bớri
 tở tởgờ mớnih ngă pơnuai siàm, đơlơu tở

mơnh Juda, hơdơi tơ mơnh Grek.

¹¹ Koyoa Yàng Pô Lơngì 'buh ỡơ mơnh ni prông-màng, ỡơ mơnh dih 'buh sớp ơu, bloh Pô ỡơ abih tợgrỡ mơnh ỡơu gớũ.

¹² Du mơnh lơi 'buh thỡu pơnuai adăt-adia bloh ngă glài-sơnoh, kũng rờũ 'buh hũ pơnuai adăt-adia bloh mớtai lơhiã. Dò du mơnh lơi hũ pơnuai adăt-adia bloh ngă glài-sơnoh, nửn rờũ kớđong ỡahrỡna koyoa pơnuai adăt-adia.

¹³ Koyoa 'buh ỡớũ mơnh păng pơpoh-ỡớ pơnuai adăt-adia la mơnh rĩng-tợpã tỡ anau Yàng Pô Lơngì, bloh la mơnh ngă tui pơnuai adăt-adia nửn ka hũ angăn la mơnh rĩng-tợpã.

¹⁴ Buớ lạng agàh la du mơnh 'buh hũ pơnuai adăt-adia, bloh yàu tũ buớ guũ tui adăt lơđáp-bớhiàn bloh ngă du bruã pơnuai adăt-adia poto pớđar, nửn rùp-phũn du mơnh nửn, yah 'buh hũ pơnuai adăt-adia, buớ guũ la pơnuai adăt-adia tỡ rùp-phũn buớ guũ bojớ.

¹⁵ Buớ guũ bớri 'buh lài, tợgrỡ bruã hợgẽ pơnuai adăt-adia pớkớũ-pớđar pãl ngă tui, hũ klớh-wã lăm hợtai-hợtiàn buớ guũ bojớ. Rùp-phũn hợtai-hợtiàn buớ guũ kũng ngă gớh mũng bruã nửn. Koyoa tợgrỡ pơnuai-sơnửng buớ guũ kừ tãmdrã sớng gớũ lăm gah đớrlăm hợtai-hợtiàn, tũ nửn đờm yã buah, tũ nửn đờm đớng buớ guũ.

¹⁶ Aràng rờũ 'buh loh-lạng pơnuai nửn lăm hợri Yàng Pô Lơngì, koyoa Pô Krist Jêsu, rờũ ỡahrỡna abih tợgrỡ pơnuai-sơnửng tợđớũ-bớđớũ lăm anà mơnh, tui ỡơu

Pơnuai-Siàm dolhă poto-akhàn.

Tokrah Mơnih Juda sồng Pơnuai Adăt-Adia

¹⁷ Bloh yah adoi-ai gôu pơ-angăn droi la mơnih Juda, gơnàng-gơnừm tơ pơnuai adăt-adia, sồng pơglòng-rùp mững Yàng Pô Lơngì,

¹⁸ broi droi wờng thơu hơtai-khiăng Pô, thơu pơnuai lơi la iơu, pơnuai lơi la sũng, koyoa gơnừm hủ poto-pơsài mững lăm pơnuai adăt-adia;

¹⁹ sồng yah adoi-ai gôu păng-tui nìn-kơjăp lài droi la mơnih ba jơlàn tơ mơnih bôm, la pơnuai sordah tơ du mơnih dò lăm anih kơnăm-mơsrữ,

²⁰ la pô-poto mơnih gơla-potò, la pô-poto mơnih bơngũl ka thơu hơgẽ, koyoa adoi-ai gôu sònững droi hủ pơnuai adăt-adia la hủ abih tơgrữ pơnuai jak-thơu sồng pơnuai-tơpă.

²¹ You nừn, kơđã hơgẽ adoi-ai gôu poto-pơsài mơnih pơkởn bloh 'buh poto-pơsài rùp-phủn droi? Adoi-ai gôu poto-mơblàng mơnih pơkởn juoi klẽ-blở, bloh kơđã hơgẽ adoi-ai gôu dò klẽ-blở?

²² Adoi-ai gôu đờm lài juoi ngã glài klẽ sơdiũ-aràng pơsàng-gôu, bloh adoi-ai gôu hủ ngã glài klẽ sơdiũ-aràng pơsàng-gôu ơu? Adoi-ai gôu ngkòr-sơu tơ pơnuai duh-dơlbăt rùp-ràk, bloh adoi-ai gôu hủ klẽ-mă phởn lăm du sàng-bơmùng ơu?

²³ Adoi-ai gôu yeh-droi mững pơnuai adăt-adia, bloh adoi-ai gôu hủ ngã sũng pơnuai adăt-adia sồng ngã mơlơu alah Yàng Pô Lơngì ơu?

24 Yơu hũ pơnuai wă: “Koyoa mừng buol guhã bloh angăn Yàng Pô Lơngì kơđong klau-potăt tōkrah du buol làng agàh.”*

25 Yah adoi-ai gơũ păng-romiã ngă tui pơnuai adăt-adia, nữn adăt sōkaũ-kơlì hũ kwơ-màng biã; bloh yah adoi-ai gơũ ngă sũng pơnuai adăt-adia, nữn yah adoi-ai gơũ hũ sōkaũ-kơlì kũng yơu 'buh hũ.

26 Yơu nữn, yah du mơnih 'buh ngă adăt sōkaũ-kơlì, bloh buol guñu păng-romiã ngă tui du adăt-pơđar lăm pơnuai adăt-adia, nữn bưã buol guñu 'buh ngă adăt sōkaũ-kơlì 'buh hũ Yàng Pô Lơngì cớ yơu la hũ ngă adăt sōkaũ-kơlì bojơ ơu?

27 Mơnih 'buh hũ ngă adăt sōkaũ-kơlì lăm rùp-phập drah-rơlo, bloh păng-romiã ngă tui wĩl-tỏi pơnuai adăt-adia, rơũ cạh rơña adoi-ai gơũ, la mơnih hũ bơ-àr pơnuai adăt-adia sũng hũ adăt sōkaũ-kơlì, bloh sōđau ngă sũng pơnuai adăt-adia.

28 Koyoa sa aràng mơnih mĩn gah agàh soh la mơnih Judã, nữn 'buh iơũ la mơnih Judã biã. Kũng yơu nữn rơi, pơnuai adăt sōkaũ-kơlì mĩn dò gah agàh sũng lăm rùp-phập drah-rơlo soh, nữn 'buh iơũ la adăt sōkaũ-kơlì biã.

29 Bloh sa aràng mơnih gah đơrlăm la mơnih Judã nữn ka la mơnih Judã biã. Adăt sōkaũ-kơlì biã la adăt sōkaũ-kơlì lăm đơrlăm hơtai-hơtiền, koyoa Bơngã Sợcìh-Sri, bloh 'buh iơũ tui akhãr wă pơnuai Adăt-Adia. Sa aràng mơnih yơu nữn

* 2:24 2:24 Êsai 52:5.

rou hũ moyòm-rônăm, 'buh iou mũng joi anà
mơnh, bloh mũng Yàng Pô Lơngì.

3

¹ Yơu nũn, mơnh Juđa hũ hơgě rơlau buol
làng pơkõn? Halài pơnuai adăt sớkaũ-kõlì hũ
kwơ-màng hơgě?

² Hũ kwơ-màng tởl tởgrở mớta. Dơlhou biă,
mơnh Juđa hũ Yàng Pô Lơngì jào Pơnuai Pô tở
buol guũ.

³ Bloh yah hũ du mơnh Juđa 'buh tởpă-kojăp
sa hơtai-hơtiền păng-tui nũn hơyơu? Hũ iou
koyoa nũn bloh Yàng Pô Lơngì 'buh ngă tui
pơnuai Pô hũ đờm pơguăn ơu?

⁴ 'Buh tũ lơi yơu nũn! Yàng Pô Lơngì la
tởpă-tởpe, yah abih tởgrở mơnh la lơ 'bở,
yơu hũ pơnuai wă:

“Yơu nũn Yàng rou hũ angăn la rĩng-tởpă lăm
tởgrở pơnuai Pô đờm,

Sống rou hũ pha-jai rơlau tũ kống ăhroňa.”*

⁵ Bloh yah pơnuai 'buh rĩng-tởpă buol gudroi
ngă tở pơnuai rĩng-tởpă Yàng Pô Lơngì hũ
ràng-tởbiă loh-làng rơlau, nũn rou đờm hơyơu?
Hũ iou la Yàng Pô Lơngì 'buh rĩng-tởpă tũ Pô
pơtrũn pơnuai anok-anoa prõng tở ngõ buol
gudroi ơu? (Dơlhă đờm tui yơu mơnh dun-ya
jiăng đờm).

⁶ 'Buh tũ lơi yơu nũn! Koyoa yah yơu nũn
hơyơu Yàng Pô Lơngì ăhroňa dun-ya jiống?

⁷ Bloh, yah gơnũm tở pơnuai lơ 'bở dơlhă
bloh pơnuai-tởpă Yàng Pô Lơngì hũ màng-kợcra

* 3:4 3:4 Pơdik Adoh Moyòm 51:4.

prông rơlau, nũn kớđã hợgẽ dơlũa dò kống
 ăhroña yơu sa aràng mớnh glài-sơnoh?

⁸ Yơu nũn, kớđã hợgẽ buớ gudroi 'buh “ngã
 pơnuai mớsak-johà tô hũ pơnuai siàm?” — yơu
 du mớnh hũ đờm yă bớdah lài buớ dơlũa hũ
 poto yơu nũn — Buớ guñu kớđong ăhroña la
 iơu pải biă.

'Buh Hũ Aràng Sơi Rĩng-Tơpă

⁹ Yơu nũn hợyơu? Buớ gudroi hũ pơnuai
 hợgẽ siàm rơlau ơu? 'Buh hũ ơu; koyoa buớ
 dơlũa hũ đờm ngã gơnh nĩn-kỏjấp lài găm
 mớnh Juđa sớng mớnh Grek, abih tơgrở
 mớnh la dò tơ ala gơnuảr pơnuai glài-sơnoh
 apăn-akỏ.

¹⁰ Yơu hũ pơnuai wă:

“'Buh hũ sa aràng mớnh lơi rĩng-tơpă ơu,
 Yah sa aràng kũng 'buh ơu rơi.

¹¹ 'Buh hũ sa aràng mớnh lơi wă-wờng,
 'Buh hũ sa aràng mớnh lơi tui-duah Yàng Pô
 Lơngì.

¹² Abih tơgrở mớnh la sũng asũ, buớ guñu
 sớng gờũ tởbiă jĩống 'buh kwớ-màng hợgẽ,
 'Buh hũ sa aràng mớnh lơi ngã pơnuai siàm,
 Yah sa aràng kũng 'buh ơu rơi.” †

¹³ “Rỏkòng buớ guñu yơu kũt atơu pơh
 prống;

Buớ guñu angui dơlah dơi tô pơluơ-pợnggla;
 Tơ ala sớ'buai buớ guñu hũ bih ala prống.”‡

† **3:12 3:12** Pơdik Adoh Moyòm 14:1-3; 53:3. ‡ **3:13 3:13** Pơdik
 Adoh Moyòm 140:3.

14 “Kàng buol guñu baũ du pɔnuai̯ alě-aluah sǒng phĩ-mɔsǎm soh.” §

15 “Tokai buol guñu sɔmǎr biǎ nau ngǎ hǒ drah,

16 Lǎm jɔlàn buol guñu nau gǎn luoi wǒ tǔgrǒ pɔnuai̯ mɔtai-lǒhiǎ sǒng pɔđi-pɔđoa gleh-glǎr.

17 Buol guñu 'buh tũ loi thɔu jɔlàn pɔnuai̯ rĩng-lɔngai.” *

18 “‘Buh hũ pɔnuai̯ duh-huoi̯ Yàng Pô Lɔngì dò tɔ anaũ buol guñu.”†

19 Buol gudroi thɔu lài abih tǔgrǒ pɔnuai̯ bloh pɔnuai̯ adǎt-adia đòm, la đòm tɔ du mɔnih dò tɔ ala pɔnuai̯ adǎt-adia, tɔ abih tǔgrǒ kàng pǎl dò kɔđǒng, sǒng abih tǔgrǒ mɔnih lǎm dun-ya pǎl kɔđòng pɔnuai̯ ǎhronǎ Yàng Pô Lɔngì.

20 Koyoa 'buh hũ sa aràng mɔnih loi gɔnừm tɔ brua pǎng-rɔmiǎ ngǎ tui pɔnuai̯ adǎt-adia bloh hũ kɔrhia la rĩng-tɔpǎ tɔ anaũ Pô. Koyoa pɔnuai̯ adǎt-adia mĩn đǒng aràng kràn-thɔu glài-sonoh.

**PŌNUAI̯ RĨNG-TŌPǎ YANG PŌ
LŌNGÌ - PŌNUAI̯ RĨNG-TŌPǎ
KŌYOA PŌNUAI̯ PǎNG-TUI**
(Mǔng tǎl 3:21 truh tǎl 5:21)

Pɔnuai̯ Rĩng-Tɔpǎ Yàng Pô Lɔngì

21 Bloh tũ ni, pɔnuai̯ rĩng-tɔpǎ Yàng Pô Lɔngì hũ ràng-tɔbiǎ 'buh gɔnừm tɔ pɔnuai̯ adǎt-adia.

§ 3:14 3:14 Pɔđik Adoh Moyòm 10:7.

* 3:17 3:17 Êsai 59:7,8.

† 3:18 3:18 Pɔđik Adoh Moyòm 36:1.

Pơnuai ni hũ pơnuai adăt-adia sồng du mơnih gơnuar-hwởr ngă gơh.

22 Nừn la pơnuai rĩng-tơpă Yàng Pô Lơngì, koyoa pơnuai păng-tui lăm Yàng Jêsu Krist, bơi tơ abih tơgrở mơnih hũ hơtai-hơtiền păng-tui, 'buh pơklah-kơi mơnih lơi.

23 Koyoa abih tơgrở mơnih hũ ngă glài-sơnoh, lơhiã thĩt pơnuai màng-kơcrà Yàng Pô Lơngì.

24 Bloh gơnừm tơ pơnuai anit-bơi-soh Pô, koyoa pơnuai đống tơbuh Yàng Jêsu Krist hũ ngă, buol guũ hũ tơbiã jĩong rĩng-tơpă bloh 'buh pāl ciũ sa phởn-priã lơi.

25 Yàng Pô Lơngì hũ pồ-rơwah Pô Krist ngă jĩong phởn cê-poyởr duh-dơlbăt tơbuh glài tơ du mơnih hũ pơnuai păng-tui lăm drah Pô. Bruã ni ràng-tơbiã pơnuai rĩng-tơpă Yàng Pô Lơngì, koyoa Pô mã hơtai-hơtiền kống ă-ữn bloh prah-luoi abih tơgrở glài-sơnoh aràng hũ ngă mũng dơlơu.

26 Bloh tử ni, Pô khiãng ràng-tơbiã bơi 'buh lài rùp-phũn Pô gãm la Pơtau Rĩng-Tơpă, gãm la Pơtau ngă tơ du mơnih păng-tui lăm Yàng Jêsu tơbiã jĩong rĩng-tơpă.

27 Yơu nừn hũ hợgẽ tô yeh-dơi pơglòng-rùp ơu? 'Buh hũ hợgẽ ơu. Gơnàng tơ pơnuai adăt-adia lơi? Pơnuai adăt-adia mũng bruã ngă? 'Buh iơũ ơu, bloh la gơnàng tơ adăt-adia pơnuai păng-tui.

28 Koyoa buol gudơi păng-tui lài sa aràng mơnih hũ angãn la rĩng-tơpă koyoa pơnuai păng-tui, bloh 'buh iơũ koyoa bruã ngă tui adăt-adia.

29 Halài, Yàng Pô Lơngì mĩn la Yàng Pô Lơngì buol làng Juda soh? Pô 'buh iơũ la Yàng Pô Lơngì gãm buol làng agàh ơu? Biã, Pô kũng la Yàng Pô Lơngì tơgrở buol làng agàh rơi,

30 koyoa mĩn hũ sa Yàng Pô Lơngì, la Pô rơũ broi tơ mơnih hũ ngã adăt sokaũ-kơlĩ tơbiã jiông rĩng-tơpã koyoa pơnuai pãng-tui, kũng ngã tơ du mơnih 'buh ngã adăt sokaũ-kơlĩ hũ tơbiã jiông rĩng-tơpã koyoa pơnuai pãng-tui rơi.

31 You nũn, buol gudroi gơnàng tơ pơnuai pãng-tui bloh prah-luơi pơnuai adăt-adia ơu? 'Buh tử lơi you nũn! Tơrblọr wở, buol gudroi ngã pràn-kơjấp pơnuai adăt-adia.

4

Tui Kroh Abraham

1 You nũn, buol gudroi rơũ đờm hơyou mũng Abraham, kơi-kở pãng-yau buol gudroi tui gah rụp-phạp drah-rơlo, nũn đờ-mã hũ hơgẽ?

2 Koyoa yah gơnũm tơ bruã ngã bloh Abraham hũ angãn la rĩng-tơpã, nũn nũ hũ pơnuai tô yeh-droi pơglòng-rụp; bloh tơ anaũ Yàng Pô Lơngì nũn 'buh iơũ you nũn.

3 Koyoa 'Bòn Bơ-àr Sợcìh-Sri đờm hơgẽ? "Abraham pãng-tui Yàng Pô Lơngì, sỡng koyoa nũn hũ kơrhia la mơnih rĩng-tơpã." *

4 Sỡng mơnih ngã bruã, nũn priã blàn cũũ tơ mơnih nũn 'buh hũ kơrhia la pơnuai anit broi, bloh pãl kơrhia la sre.

* 4:3 4:3 Bơ-àr Cờm rụp 15:6.

⁵ Bloh sống mớnh 'buh gònàng tơ bruă ngă, bloh mĩn păng-tui lăm Pô ngă tơ mớnh hũ glài-sơnh tobiă jĩng mớnh rĩng-tơpă, nũn pơnuai păng-tui ngă tơ mớnh nũn hũ Yàng Pô Lơngì kớhia la rĩng-tơpă.

⁶ Koyoa nũn, tũ đờm truh pơnuai lơngai-potuah bloh mớnh hũ Yàng Pô Lơngì kớhia la rĩng-tơpă 'buh koyoa bruă ngă, Đabit đờm:

⁷ “Lơngai-potuah tơ mớnh lơi, pơnuai sũng đơi hũ anít toh-luoi,

Glài-sơnh đơi hũ aĩng-tơđơ!

⁸ Lơngai-potuah tơ mớnh bloh Yàng 'buh kớhia la hũ glài-sơnh!” †

⁹ Pơnuai lơngai-potuah nũn mĩn piơh tơ du mớnh hũ ngă adăt sớkaũ-kớlì soh halài kũng gãm tơ du mớnh 'buh ngă adăt sớkaũ-kớlì rời? Koyoa buol gudơi đờm lài, koyoa pơnuai păng-tui bloh Abraham hũ kớhia la rĩng-tơpă.

¹⁰ Bloh nũ hũ kớhia la rĩng-tơpă hơyơu lơi? Đơlơu halài hơđơi tơ tũ nũ ngă adăt sớkaũ-kớlì? 'Buh iơũ la hơđơi, bloh la đơlơu tơ tũ nũ hũ ngă adăt sớkaũ-kớlì.

¹¹ Nu hũ đờ-mă nài adăt sớkaũ-kớlì yơu sa boh nài ngă gơh lài: gònũm tơ pơnuai păng-tui bloh nũ hũ tobiă jĩng mớnh rĩng-tơpă, đơlơu tơ tũ hũ ngă adăt sớkaũ-kớlì. Yơu nũn, nũ tobiă jĩng ama abih tơgrờ mớnh păng-tui bloh 'buh ngă adăt sớkaũ-kớlì, tồ buol guũ kũng hũ kớhia la rĩng-tơpă,

† 4:8 4:8 Pơđik Adoh Moyòm 32:1,2.

12 sǒng kǔng la ama du mớnh hủ ngã adăt sỏkaủ-kỏlì, la du mớnh 'buh iỏủ mỉn hủ ngã adăt sỏkaủ-kỏlì soh, bloh kǔng yàm nau tui nàl pớnuai pắng-tui bloh Abraham, kới-kỏ pàng-yau buỏl gudroi, hủ dỏlhou tớ tử ãu ka ngã adăt sỏkaủ-kỏlì.

Abraham Hủ Angăn La Rỉng-Tớpả 'Buh Gớnừm Tớ Bruả Pắng-Bỏbah Pớh-Rớmiả Pớnuai Adăt-Adia

13 Kỏyoa 'buh iỏủ gớnừm tớ bruả pắng-bỏbah ngã tui pớnuai adăt-adia bloh Abraham sỏng jới-pỏtiàn ãu hủ pớnuai đờm pớguần rỏủ đờ-mả dun-ya ngã phủm-kỏsai, bloh la gớnừm tớ bruả hủ tớbiả jỉớng rỉng-tớpả kỏyoa pớnuai pắng-tui.

14 Kỏyoa yah gớnừm tớ pớnuai adăt-adia bloh hủ đờ-lẻng phủm-kỏsai, nừn pớnuai pắng-tui tớbiả jỉớng 'buh kỏớ-màng, sỏng pớnuai Yàng Pỏ Lớngì pớguần kǔng prah luới bớjớ.

15 Kỏyoa pớnuai adăt-adia ba truh pớnuai anỏk-anỏa pớng; bloh anih lới 'buh hủ pớnuai adăt-adia, nừn kǔng 'buh hủ pớnuai ngã sỏng pớnuai adăt-adia.

16 Kỏyoa nừn, gớnừm tớ pớnuai pắng-tui, bloh pớnuai đờm pớguần kỏyoa pớnuai anít-bớih-sỏh hủ ngã nỉn-kỏjấp tớ abih jới-pỏtiàn Abraham, 'buh iỏủ mỉn bớih tớ jới-pỏtiàn dò tớ ala gớnuả pớnuai adăt-adia, bloh kǔng bớih tớ jới-pỏtiàn hủ pớnuai pắng-tui yỏu Abraham, la kới-kỏ pàng-yau abih buỏl gudroi,

17 you hũ pơnuai wă: “Kou hũ rowah-pồ hã ngã ama lô buol làng.” † Biă, Abraham la ama buol gudroi tơ anaũ Yàng Pồ Lơngì, nũn la Pồ nũ hũ păng-tui, la Pồ broi pơnuai hơdiũ tơ mơnih mọtai, sớng angãn du pơnuai 'buh hũ you hũ bojơ.

18 Abraham hũ gơnừm-càng yah 'buh dò pơnuai hợgê tô gơnừm-càng, nũ sớđau gơnừm-càng sớng kojăp họtai-hotiàn păng-tui, koyoa nũn nũ hũ tobiă jĩớng ama lô buol làng, tui you pơnuai hũ đờm sớng nũ lài: “Joi-potiàn anà rớũ lô you nũn.” §

19 Abraham 'buh rúp-phạp droi you mọtai bojơ, koyoa tũ nũn nũ kojê sa rotùh thũn, sớng 'buh Sara nũn 'buh rợgơi đih apui jĩớng tra, bloh pơnuai păng-tui nũ lăm Yàng Pồ Lơngì sớđau kojăp-pràn, 'buh siớũ sa-sít lơi.

20 Nu 'buh luoi hotai-hotiàn 'buh păng-tui ngã tơ droi sớnừng-bớngoàn wĩ-wớ mừng pơnuai Yàng Pồ Lơngì hũ đờm pợguãn, bloh 'brồ pràn-kojăp rớlau lăm pơnuai păng-tui, sớng moyòm-pợglòng Yàng Pồ Lơngì.

21 Nu păng-tui nĩn-kojăp lài: pơnuai hợgê Yàng Pồ Lơngì hũ đờm pợguãn, nũn Pồ kũng hũ gơnuar tô ngã wĩl-tớl jĩớng.

22 Koyoa nũn, pơnuai păng-tui nũ hũ kớrhia la rĩng-tợpă.

23 Bloh tũ wă lài: “Nu hũ kớrhia la mơnih rĩng-tợpă” nũn 'buh iớũ mĩn đờm mừng sa aràng nũ soh,

† 4:17 4:17 Bơ-àr Cớmrừp 17:5. § 4:18 4:18 Bơ-àr Cớmrừp 15:5.

24 bloh kŭng ðòm mŭng buọl gudroi rôi. Buọl gudroi kŭng rôi hũ kơhia la du mơnih rĩng-tơpă, tũ buọl gudroi păng-tui lăm Pô hũ ngă tơ Yàng Jêsu, Yàng buọl gudroi, hơdiũ wở mŭng pơnuai mọtai.

25 Pô hũ kŭng jào koyoa glài-sơnoh buọl gudroi, sŭng hơdiũ wở tô buọl gudroi hũ angăn la rĩng-tơpă.

5

Bơng-a-Mơboh Mŭng Bruă Hũ Angăn La Rĩng-Tơpă Koyoa Pơnuai Păng-Tui

1 Koyoa nŭn, tũ buọl gudroi hũ tơbiă jĩng rĩng-tơpă koyoa pơnuai păng-tui, buọl gudroi hũ pơhơlăr-tămsòr sŭng Yàng Pô Lơngì, gơnŭm tơ Yàng Jêsu Krist, Yàng buọl gudroi.

2 Gơnŭm tơ Pô, buọl gudroi hũ tơma lăm pơnuai anit-bơoi-soh ni, la pơnuai anit-bơoi-soh bloh gơnŭm tơ nŭn buọl gudroi dò ðŭng kojăp, sŭng sŭh-sài lăm pơnuai gơnŭm-càng hũ ðŏ-lŕng pơnuai màng-kơcrà Yàng Pô Lơngì.

3 'Buh iơũ mĩn yơu nŭn soh, buọl gudroi kŭng sŭh-sài lăm pơnuai pơđi-pơđoa gleh-glăr rôi, koyoa thơu lài pơnuai pơđi-pơđoa gleh-glăr pơjĩng-tơbiă pơnuai kojăp hotai-hotiàn kŭng ă-ữn,

4 pơnuai kojăp hotai-hotiàn kŭng ă-ữn pơjĩng-tơbiă pơnuai pơsrăm-thơu, pơnuai pơsrăm-thơu pơjĩng-tơbiă pơnuai gơnŭm-càng,

5 sŭng pơnuai gơnŭm-càng 'buh ngă tơ buọl gudroi mơlơu alah, koyoa Yàng Pô Lơngì hũ tuh

pơnuai uồn-rơnăm Pô tơma lăm hơtai-hơtiền
buol gudroi, gơnừm tơ Yàng Bơngã Sơch-Sri, la
Pô bloh Yàng Pô Lơngì hủ bơoi tơ buol gudroi.

⁶ Biã yơu nừn, lăm tữ buol gudroi 'buh rơgơi
dỗng rùp-phủn dơoi jĩng, nừn tui iơu tữ-hơoi
hủ pơguần, Pô Krist hủ kỡng mọtai koyoa
mơnih glài-sơnoh.

⁷ Koyoa 'buồn hợgẽ hủ aràng sơi kỡng mọtai
ala tơ sa aràng mơnih rĩng-tơpã, pơtuah biã
nừn ka hủ mơnih khĩn mọtai ala tơ sa aràng
mơnih siàm.

⁸ Bloh Yàng Pô Lơngì ràng-tơbiã pơnuai
uồn-rơnăm Pô sỡng buol gudroi, tữ buol gudroi
dò la mơnih hủ glài-sơnoh, nừn Pô Krist hủ
kỡng mọtai ala tơ buol gudroi.

⁹ Yơu nừn tữ ni, buol gudroi hủ gơnừm tơ
drah Pô bloh hủ angãn la rĩng-tơpã bợjơ, nừn
buol gudroi kũng rớu gơnừm tơ rùp-phủn Pô
bloh hủ dỗng klàh mừng pơnuai anok-anoa
prỡng Yàng Pô Lơngì la thơu hợdùm.

¹⁰ Koyoa yah tữ buol gudroi dò la mơnih
pơblỡ-drã sỡng Yàng Pô Lơngì, bloh gơnừm tơ
pơnuai mọtai Anà Pô buol gudroi hủ
pơhơlờ-tãm sờ sỡng Yàng Pô Lơngì, nừn đờm
hợgẽ ni hủ hơlờ-tãm sờ bợjơ, buol gudroi rớu
hủ dỗng-pơklàh gơnừm tơ pơnuai hợdiũ Anà Pô
'brố lô amãng rơlau la thơu hợdùm.

¹¹ 'Buh iơu mừn yơu nừn sỡh, buol gudroi dò
hủ pơnuai sỡh-sài lăm Yàng Pô Lơngì koyoa
Yàng buol gudroi la Yàng Jêsu Krist, gơnừm tơ
Pô bloh tữ ni buol gudroi đờ-mã hủ pơnuai
pơhơlờ-tãm sờ.

Ăđam sống Pô Krist

¹² You nŭn, koyoa mŭng sa aràng mŏnih bloh glài-sŏnoh hŭ tŏma lăm dun-ya, sống koyoa glài-sŏnoh bloh hŭ pŏnuai mŏtai. Koyoa nŭn, abih tŏgrŏ mŏnih păl mŏtai, koyoa abih tŏgrŏ mŏnih hŭ ngă glài-sŏnoh.

¹³ Koyoa dŏlhou tŭ hŭ pŏnuai adăt-adia, glài-sŏnoh hŭ lăm dun-ya bŏjŏ, bloh tŭ ka hŭ pŏnuai adăt-adia nŭn glài-sŏnoh 'buh hŭ kŏrhia truh.

¹⁴ Biă you nŭn, mŭng Ăđam truh tŏ Mŏise, pŏnuai mŏtai hŭ apăn-akŏ tŏ ngŏ abih tŏgrŏ mŏnih, găm abih tŏgrŏ mŏnih 'buh ngă glài-sŏnoh mŏhiŏ you glài-sŏnoh Ăđam, la mŏnih ngă rŏp-rùp mŭng Pô păl truh.

¹⁵ Bloh pŏnuai glài-sŏnoh nŭn 'buh iŏŭ you pŏnuai anit-broi-soh Yàng Pô Lŏngì. Koyoa yah mŭn koyoa glài-sŏnoh mŭng sa aràng mŏnih bloh lô mŏnih pŏkŏn păl mŏtai, nŭn pŏnuai anit-broi-soh Yàng Pô Lŏngì 'brŏ prŏng rŏlau, sống pŏnuai broi-soh lăm pŏnuai anit-broi-soh Pô tŏ lô mŏnih koyoa mŭng sa aràng Mŏnih, la Yàng Jêsu Krist, dŏ 'brŏ dŏlah-dŏlài rŏlau la thŏu hŏdùm.

¹⁶ Pŏnuai broi-soh mŭng Yàng Pô Lŏngì 'buh mŏhiŏ you bruă tŏbiă truh koyoa glài-sŏnoh mŭng sa aràng mŏnih ngă tŏbiă. Biă you nŭn, koyoa mŭng mŭn sa aràng mŏnih ngă glài-sŏnoh bloh anà mŏnih păl kŏng ăhronă tŏ ngă nŭn-glài; bloh pŏnuai broi-soh mŭng Yàng Pô Lŏngì nŭn tŏrblŏ wŏ, yah anà mŏnih hŭ ngă hŏdùm glài-sŏnoh, sŏđău hŭ Yàng Pô Lŏngì

anít toh-luoi sống angăn la rĩng-tốpă koyoa
Yàng Jêsu.

17 Yah mĩn koyoa glài-sơnh mũng sa aràng
mơnh bloh koyoa mơnh nũn pơnuai mọtai hũ
apăn-akõ hơyou lơi, nũn kũng mĩn gơnũm tơ sa
aràng Mơnh la Yàng Jêsu Krist, bloh tơgrở
mơnh lơi đố-mã pơnuai anít-bơi-sơh sống
pơnuai bơi-sơh pơnuai rĩng-tốpă đơlah-đơlài,
buol guũu rơũ gơnũm tơ sa aràng Yàng Jêsu
Krist bloh apăn-akõ lăm pơnuai hơdiũ la thơu
hơdũm!

18 Yơu nũn, koyoa mũng mĩn sa aràng mơnh
ngã glài-sơnh bloh abih tơgrở mơnh kơđong
ngã nĩn-glài, nũn kũng yơu nũn rơi, koyoa bũa
ngã rĩng-tốpă mũng sa aràng Mơnh bloh abih
tơgrở mơnh hũ angăn la rĩng-tốpă sống hũ
đồ-lẻng pơnuai hơdiũ.

19 Biã yơu nũn, koyoa pơnuai 'buh
pãng-bơbah ngã tui mũng mĩn sa aràng mơnh
bloh ngã tơ lô mơnh tơbiã jĩng mơnh
glài-sơnh, nũn kũng yơu nũn rơi, koyoa
pơnuai pãng-bơbah mũng mĩn sa aràng Mơnh
bloh lô mơnh rơũ tơbiã jĩng mơnh rĩng-tốpă.

20 Pơnuai adăt-adiã hũ bơi tơbiã tô bơi 'buh
glài-sơnh hũ đĩ-tơgồ hơyou lơi. Bloh anih lơi
glài-sơnh đĩ-tơgồ, anih nũn pơnuai
anít-bơi-sơh 'brỗ đơlah-đơlài lô rơlau.

21 Yơu nũn, yah glài-sơnh hũ apăn-akõ sống
bũa ngã tơ aràng pãl mọtai, nũn pơnuai
anít-bơi-sơh kũng apăn-akõ sống bũa ngã tơ
aràng tơbiã jĩng rĩng-tốpă tô hơdiũ rài pơdò
rài, gơnũm tơ Yàng Jêsu Krist, Yàng buol gudroi.

RÀI HƠDIÛ HỮ PƠ'SO'LIH BƠ'RHƠU

6

(Mững tãl 6:1 truh tãl 8:39)

Motai Sǒng Gah Glài-Sonoh Bloh Hơdiủ Wǒ Sǒng Pô Krist

¹ Nǚn buǒl gudroi rǒủ đờm hơyơu? Buǒl gudroi kừ sǒđau hơdiủ lăm glài-sonoh tô pơnuai anit-broi-soh hữ đơlah-dơlài?

² 'Buh tũ lơi yơu nǚn! Buǒl gudroi hữ motai bojơ sǒng gah glài-sonoh, nǚn ngã hơyơu kừ hơdiủ mĩt lăm glài-sonoh jǒng?

³ Buǒl adơi-ai 'buh thơu lài: tũ abih buǒl gudroi hữ đờ-mã pơnuai 'baptem lăm Yàng Jêsu Krist, la buǒl gudroi hữ kǒng 'baptem lăm pơnuai motai Pô ơu?

⁴ Yơu nǚn, koyoa pơnuai 'baptem, buǒl gudroi hữ đờ sǒng Pô lăm pơnuai motai Pô, tô gơnừm tơ pơnuai màng-kơcrà Pô Yàng Ama bloh Pô Krist hữ hơdiủ wǒ mững pơnuai motai hơyơu lơi, nǚn buǒl gudroi kǚng hơdiủ lăm rài hơdiủ bơ'rhơu yơu nǚn rơi.

⁵ Koyoa yah buǒl gudroi hữ tởbiã jǒng sa sǒng Pô lăm pơnuai motai Pô hơyơu lơi, nǚn nĩn-kojăp biã buǒl gudroi kǚng rǒủ hữ tởbiã jǒng sa sǒng Pô lăm pơnuai hơdiủ wǒ Pô kǚng mớhiở yơu nǚn rơi.

⁶ Buǒl gudroi thơu lài anà mớnih klă buǒl gudroi hữ kǒng pǒng lăm kơyơu pơkăl sǒng Pô bojơ, tô anà mớnih klă koyoa glài-sonoh

apăn-akõ kǝng pǝluĩ-pǝlǝhiã, sǝng buǝl gudroi
'buh dò ngã hǝlũn-hǝlã tǝ glài-sǝnoh tra.

⁷ Koyoa mǝnih lǝi mǝtai bojǝ nũn hũ tǝbiã
klàh mũng gǝnuãr glài-sǝnoh.

⁸ Bloh yah buǝl gudroi hũ mǝtai gãm sǝng Pô
Krist, nũn buǝl gudroi pãng-tui lài buǝl gudroi
kũng rǝu hǝdiũ gãm sǝng Pô rǝi.

⁹ Buǝl gudroi thǝu lài Pô Krist hũ hǝdiũ wǝ
mũng pǝnuai mǝtai, nũn rǝu 'buh tũ lǝi mǝtai
tra; pǝnuai mǝtai 'buh dò apăn-akõ tǝ ngǝ Pô
tra.

¹⁰ Koyoa Pô hũ mǝtai, la mǝtai tǝ glài-sǝnoh
sa amãng tǝi abih; bloh tũ ni Pô hǝdiũ, nũn la
hǝdiũ tǝ Yàng Pô Lǝngì.

¹¹ Yǝu nũn, buǝl adǝi-ai kũng pãl cǝr droi yǝu
mǝtai bojǝ mũng glài-sǝnoh, sǝng dò hǝdiũ tǝ
Yàng Pô Lǝngì lãm Yàng Jǝsu Krist.

¹² Yǝu nũn, juǝi luǝi glài-sǝnoh apăn-akõ lãm
rùp-phàp buǝl adǝi-ai, la rùp-phàp pãl mǝtai,
ngã tǝ buǝl adǝi-ai pãl ngã tui du pǝnuai
hãm-khiãng nũ.

¹³ Juǝi jào rùp-phàp droi ngã phǝn angui tǝ
ngã pǝnuai 'buh rĩng-tǝpã, duh bruã tǝ
glài-sǝnoh, bloh pãl poyã bǝ rùp-phũn buǝl
adǝi-ai tǝ Yàng Pô Lǝngì, yǝu du anà mǝnih
mũng anih mǝtai hǝdiũ wǝ, sǝng poyã
rùp-phàp droi ngã jiǝng phǝn angui tǝ pǝnuai
rĩng-tǝpã, bloh duh bruã Yàng Pô Lǝngì.

¹⁴ Glài-sǝnoh rǝu 'buh hũ gǝnuãr apăn-akõ tǝ
ngǝ buǝl adǝi-ai ǝu, koyoa buǝl adǝi-ai 'buh dò
tǝ ala pǝnuai adãt-adia, bloh dò tǝ ala pǝnuai
anĩt-brǝi-sǝh.

Hơlũn-Hơlã Pơnuai Rĩng-Tơpã

15 You nũn pãl ngã hơyơu? Koyoa buol gudroi 'buh dò tơ ala pơnuai adãt-adia, bloh dò tơ ala pơnuai anit-broi-soh, nũn buol gudroi rơu kũr ngã glài-sơnoh mĩt? 'Buh tũ lơi yơu nũn ơu!

16 Buol adoi-ai 'buh thơu lài yah buol adoi-ai hũ jào rụp droi ngã hơlũn-hơlã tô pãng-bơbah ngã tui mơnih lơi, nũn buol adoi-ai la hơlũn-hơlã tơ mơnih droi pãng-bơbah ngã tui: halài ngã hơlũn-hơlã glài-sơnoh, nũn rơu pãl mọtai; halài ngã hơlũn-hơlã duh bruã Yàng Pô Longì, nũn rơu hũ tobiã jĩng rĩng-tơpã.

17 Bloh ưnjơmũn Yàng Pô Longì, koyoa mũng dơlơu throi buol adoi-ai sớđau la hơlũn-hơlã tơ glài-sơnoh, bloh ni abih họtai-họtian pãng-bơbah ngã tui pơnuai poto-pơđar hũ jào tơ buol adoi-ai,

18 sớng buol adoi-ai hũ dõng-tơleh klàh mũng glài-sơnoh, tobiã jĩng hơlũn-hơlã tơ pơnuai rĩng-tơpã bớjơ.

19 Dơlã đờm tui pơnuai anà mơnih rài ni jĩng đờm, koyoa rụp-pháp drah-rơlo buol adoi-ai sớđau dò lơmũn 'buh pràn-khãng. Koyoa yơu dơlơu throi, buol adoi-ai hũ jào rụp-pháp drah-rơlo droi tô ngã hơlũn-hơlã tơ pơnuai sớu-sơnoh sớng pơnuai mớsak-jờhà hơyơu lơi, nũn tũ ni, pơyã bẽ rụp-pháp drah-rơlo buol adoi-ai tô ngã hơlũn-hơlã tơ pơnuai rĩng-tơpã, tô hũ tobiã jĩng sớch-sri, kũng yơu nũn rơi.

20 Koyoa tũ buol adoi-ai dò la hơlũn-hơlã tơ glài-sơnoh, nũn buol adoi-ai hũ akõ-lơhuai

tôkai-lơnàng sǝng pơnuai rĩng-tơpǎ.

²¹ Tũ nửn buol adoi-ai rĩ-mǎ hũ bonga boh hơgẽ, koyoa ngǎ du bruǎ bloh hơrĩ ni buol adoi-ai pǎl mớlơu alah? Koyoa pơnuai lũi-dũt du bruǎ nửn mĩn la pơnuai mớtai.

²² Bloh tũ ni buol adoi-ai hũ toh-tơleh klàh mǝng glài-sơnoh sǝng hũ tởbiǎ jĩng hơlũn-hơlǎ Yàng Pô Lơngì, nửn bonga boh buol adoi-ai rữ đờ-mǎ hũ la pơnuai tởbiǎ jĩng sớih-sri, sǝng hơdơi lũi rữ đờ-mǎ pơnuai hơdiũ rài pơdò rài.

²³ Koyoa priǎ-blàn bloh glài-sơnoh cũũ tở aràng, la pơnuai mớtai; bloh pơnuai bơrĩ-soh mǝng Yàng Pô Lơngì la pơnuai hơdiũ rài pơdò rài lǎm Yàng Jêsu Krist, Yàng buol gudrĩ.

7

Mơnh Pǎng-Tui Yàng Sǝng Pơnuai Adǎt-Adia

¹ O buol adoi-ai, — dỏhǎ đờm ni la đờm sǝng du mơnh thơu pơnuai adǎt-adia — buol adoi-ai 'buh thơu lài pơnuai adǎt-adia mĩn apǎn-akỏ anà mơnh tũ buol guũ dò hơdiũ ơu?

² Koyoa nửn, mớhiỏ yơu sa aràng mơnh kơmơi hũ pơsàng, yah pơsàng dò hơdiũ hơdùm suoi, nửn pơnuai adǎt-adia akỏ-pỏkỏũ mơnh kơmơi nửn pǎl hơdiũ sǝng pơsàng kàr nửn rơi; bloh yah pơsàng mớtai, nửn mơnh sỏdiũ 'buh dò kớđong pơnuai adǎt-adia akỏ-pỏkỏũ sǝng pơsàng tra.

³ Yơu nửn, lǎm tũ pơsàng dò hơdiũ, bloh sỏdiũ nau khiǎng sǝng mơnh lỏkỏi pỏkỏn, nửn rữ kỏng angǎn la mơnh klẻ sỏdiũ-aràng pơsàng-gỏũ. Bloh yah pơsàng mớtai, nửn

mơnh sđiũ hũ toh-tơleh klàh mững pơnuai adăt-adia, yah hũ khiăng sớng mơnh pơkớnh, kũng 'buh iớũ la klẽ sđiũ-aràng pơsàng-gớũ.

⁴ Kũng yờu nửn rới, ơ buớl adơi-ai dớl hã, gớnhừm tở rùp-phàp Pô Krist bloh buớl adơi-ai hũ mọtai bớjở sớng pơnuai adăt-adia. Tũ ni, buớl adơi-ai hũ akã-pớcuẩl sớng sa aràng mơnh pơkớnh, la Pô hũ hớdiũ wớ mững pơnuai mọtai, tồ buớl gudrới tởbiẩ bớngah boh tở Yàng Pô Lớngi.

⁵ Kớyoa tũ buớl gudrới dò hớdiũ lãm rùp-phàp drah-rớlo, nửn du pơnuai hàm-khiăng glài-sớnoh, kớyoa pơnuai adăt-adia, hũ ngã bruẩ lãm rùp-phàp drah-rớlo buớl gudrới, bah truh bớngah boh la pơnuai mọtai.

⁶ Bloh tũ ni buớl gudrới 'buh kớđồng pơnuai adăt-adia akã-pớkớũ tra, kớyoa buớl gudrới hũ mọtai bớjở sớng pơnuai adăt-adia, la pơnuai sớđẩũ jàm-pớkớũ buớl gudrới, tồ buớl gudrới duh bruẩ Yàng tui pơnuai bớrhớu Bớngã Sớchih-Sri, bloh 'buh iớũ tui jớlàn klã pơnuai adăt-adia tra.

Glài-Sớnoh Sớng Pơnuai Adăt-Adia

⁷ Yờu nửn buớl gudrới rớũ đờm hớyờu? Pơnuai adăt-adia la glài-sớnoh? 'Buh tũ lới yờu nửn! Bloh yah 'buh gớnhừm tở pơnuai adăt-adia nửn dớl hã 'buh thớu truh glài-sớnoh. Yah pơnuai adăt-adia 'buh đờm: "Hã juới hàm-lãm," nửn dớl hã 'buh thớu hàm-lãm la hớgẽ.

⁸ Bloh glài-sớnoh hũ mã pơnuai hớnàn, angui pơnuai adăt-pớđẩ, pớmớđớh-tớgồ lãm dớl hã

tỏi abih tởgrở pơnuai hàm-khiăng. Biă you
nữn, 'buh hũ pơnuai adăt-adia nữn glài-sơnh
hũ mọtai bojở.

⁹ Dơlhou throi, 'buh hũ pơnuai adăt-adia nữn
dơlhă hơdiũ; bloh mững tử hũ pơnuai
adăt-pơđăr nữn glài-sơnh toma hơdiũ,

¹⁰ dò dơlhă nữn mọtai. Iơũ tởpă biă pơnuai
adăt-pơđăr păl ba dơlhă truh tở pơnuai hơdiũ,
bloh jĩống ba dơlhă truh tở pơnuai mọtai.

¹¹ Koyoa glài-sơnh hũ mã pơnuai hơnàn,
angui pơnuai adăt-pơđăr tô pơluơ pởng-gơla
dơlhă, bloh nữn kũng angui pơnuai adăt-pơđăr
nữn, tô pơmọtai dơlhă.

¹² Koyoa nữn, pơnuai adăt-adia la sớch-sri,
pơnuai adăt-pơđăr kũng la sớch-sri, rĩng-tởpă
sống siàm rơi.

¹³ You nữn, hũ iơũ pơnuai siàm ba pơnuai
mọtai truh tở dơlhă ơu? 'Buh tử lơi you nữn!
Bloh nữn la glài-sơnh hũ angui pơnuai siàm
ngă tở dơlhă mọtai, tô rụp-phũn biă pơnuai
glài-sơnh hũ ràng-tởbiă, sống koyoa pơnuai
adăt-pơđăr, glài-sơnh hũ ràng-tởbiă loh-làng la
mơsak-jởhà biă-biài.

Pơnuai Adăt-Adia Sống Glài-Sơnh Tămdră-Wở Sống Gờũ Lăm Dơlăm Anà Mơnih

¹⁴ Buơl gudroi thơu lài pơnuai adăt-adia la
gah bởngă-sớch; bloh dơlhă la mơnih rụp-pháp
drah-rơlo hũ kởđòng pơbơi ngã hơlũn-hơlă tở
glài-sơnh bojở.

15 Nừn đơlḥă 'buh wờng bruă đơlḥă ngă.
Koyoa đơlḥă 'buh ngă pơnuai đơi khiăng, bloh
ngă pơnuai đơi mớbai.

16 Bloh yah đơlḥă ngă pơnuai đơi 'buh
khiăng, nừn đơlḥă kràn thơu pơnuai adăt-adia
la siàm mớkrư.

17 Tủ nừn 'buh iơũ đơlḥă ngă pơnuai nừn tra,
bloh la rùp-phủn glài-sơnoh dò lăm đơlḥă
đơlḥă.

18 Koyoa đơlḥă thơu lài pơnuai siàm 'buh dò
lăm đơlḥă, nừn la lăm rùp-phập drah-rơlo
đơlḥă. Koyoa đơlḥă hữ hơtai-khiăng ngă
pơnuai siàm, bloh 'buh rợơi ngă jĩong.

19 Koyoa đơlḥă 'buh ngă pơnuai siàm đơi
khiăng, bloh ngă pơnuai mớsak-jờhà đơi 'buh
khiăng.

20 Yah đơlḥă ngă pơnuai đơi 'buh khiăng,
nừn 'buh iơũ la đơlḥă ngă pơnuai nừn ơu, bloh
la glài-sơnoh dò lăm đơlḥă đơlḥă ngă pơnuai
nừn.

21 Koyoa nừn, đơlḥă duah 'buh pơnuai
adăt-adia ni lăm đơlḥă: Tủ đơlḥă khiăng ngă
pơnuai siàm, nừn pơnuai mớsak-jờhà klēm tui
đơlḥă.

22 Lăm đơlḥă hơtai-hơtiàn đơlḥă, đơlḥă
sờh-tớkrư biả mừng pơnuai adăt-adia Yàng Pô
Lơngì.

23 Bloh đơlḥă kơnăl-thơu lăm rùp-phập
drah-rơlo đơlḥă hữ sa pơnuai adăt-adia pớkỡn
tămdră-wớ sỡng pơnuai adăt-adia lăm
hơtai-akố đơlḥă, mã đơlḥă pắl ngă hơlũn-hơlắ
tớ adăt-adia pơnuai glài-sơnoh, la adăt-adia dò
lăm rùp-phập drah-rơlo đơlḥă.

24 Gleh-glăr đôn-să biă tơ đơhă! Aràng soi rơũ đōng-suă đơhă klàh mǔng rùp-phàp pǎl mọtai ni?

25 Unjơmừn Yàng Pô Lơngì, gơnừm tơ Yàng Jêsu Krist, la Yàng buổl gudrơi!

Yơu nừn, rùp-phũn đơhă angui họtai-akỗ dơi ngă hơlũn-hơlă pơnuai adăt-adia Yàng Pô Lơngì, bloh mã rùp-phàp drah-rơlo dơi ngă hơlũn-hơlă pơnuai adăt-adia glài-sơnoh.

8

Rài Hơdiũ Bơhơu Lăm Bơngă Sơcìh-Sri

1 Koyoa nừn tũ ni, du mơnih lơi dò lăm Yàng Jêsu Krist, nừn 'buh kơđòng ngă nừn-glài tra.

2 Koyoa adăt-adia Bơngă Sơcìh-Sri, Pô bơri pơnuai hơdiũ lăm Yàng Jêsu Krist, hũ đōng-tơleh đơhă klàh mǔng adăt-adia pơnuai glài-sơnoh sỡng pơnuai mọtai.

3 Koyoa pơnuai hợgẽ adăt-adia 'buh ngă jĩng, koyoa rùp-phàp drah-rơlo ngă tơ pơnuai adăt-adia tơbiă jĩng 'buh khăng-pràn, nừn Yàng Pô Lơngì hũ ngă bợjơ: Pô hũ pơđăr rùp-phũn Anà Pô mã rùp-phàp drah-rơlo mớhiỏ yơu rùp-phàp drah-rơlo glài-sơnoh buổl gudrơi tồ pơlũi-pơlơhiă glài-sơnoh, sỡng Pô hũ ngă nừn-glài pơnuai glài-sơnoh lăm rùp-phàp drah-rơlo Anà Pô.

4 Pô ngă yơu nừn tồ pơnuai rĩng-tơpă bloh pơnuai adăt-adia pơkơũ-đồ pǎl hũ ngă wĩl-tổl lăm buổl gudrơi, la du mơnih 'buh hơdiũ tui gah rùp-phàp drah-rơlo, bloh hơdiũ tui Bơngă Sơcìh-Sri.

⁵ Biã you năn, du mơnih lơi hơidiũ tui gah rùp-phàp drah-rôlo năn hơtai-akô kừ sônŕng mŕng du bruã gah rùp-phàp drah-rôlo; dò du mơnih lơi hơidiũ tui Bơngã Sôçih-Sri, năn hơtai-akô rơũ sônŕng mŕng du bruã gah Bơngã Sôçih-Sri.

⁶ Luoi hơtai-akô sônŕng mŕng gah rùp-phàp drah-rôlo rơũ ba truh pơnuai mơtai, bloh luoi hơtai-akô sônŕng mŕng Bơngã Sôçih-Sri rơũ ba truh pơnuai hơidiũ sŕng pơnuai rĩng-lơngai.

⁷ Koyoa hơtai-akô sônŕng mŕng gah rùp-phàp drah-rôlo năn mơbai tãmdrà-wở sŕng Yàng Pô Lơngì, koyoa nũ 'buh pãng-bơbah ngã tui pơnuai adãt-adia Yàng Pô Lơngì, sŕng nũ kŭng 'buh rơgơi pãng-bơbah ngã tui jŕng.

⁸ Du mơnih lơi hơidiũ tui gah rùp-phàp drah-rôlo, năn 'buh rơgơi siàm hơtai Yàng Pô Lơngì.

⁹ Bloh buol adơi-ai 'buh hơidiũ tui gah rùp-phàp drah-rôlo ơu, bloh la hơidiũ tui Bơngã Sôçih-Sri, koyoa Bơngã Sôçih-Sri Yàng Pô Lơngì dò lãm buol adơi-ai. Aràng sơi 'buh hũ Bơngã Sôçih-Sri Pô Krist, mơnih năn 'buh gãm sŕng Pô.

¹⁰ You năn, yah Pô Krist dò lãm buol adơi-ai, năn yah rùp-phàp buol adơi-ai pãl mơtai koyoa glài-sơnoh, hơtai-bơngã buol adơi-ai sŕđau hơidiũ gơnŕm tơ pơnuai hũ tơbiã jŕng rĩng-tơpã.

¹¹ Yah Bơngã Sôçih-Sri Pô hũ ngã tơ Yàng Jêsu mŕng pơnuai mơtai hơidiũ wở dò lãm buol adơi-ai, năn Pô hũ ngã tơ Yàng Jêsu Krist mŕng pơnuai mơtai hơidiũ wở kŭng rơũ gơnŕm tơ

Bơngă Sočih-Sri Pô dò lăm buol adoi-ai bloh
bơoi pơnuai hơdiũ tơ rùp-phàp mọtai buol
adoi-ai hũ pơnuai hơdiũ bơrhơu.

12 You nửn, ơ buol adoi-ai, buol gudroi 'buh
kơđong sre sớng rùp-phàp drah-rơlo ơu, tồ pắl
hơdiũ tui gah rùp-phàp drah-rơlo.

13 Koyoa yah buol adoi-ai hơdiũ tui gah
rùp-phàp drah-rơlo nửn pắl mọtai; bloh yah
buol adoi-ai gơnửm tơ Bơngă Sočih-Sri, ngắ tồ
mọtai du bruắ gah rùp-phàp drah-rơlo, nửn
buol adoi-ai rơu hơdiũ.

14 Koyoa abih tơgrớ mớnh lơi hũ Bơngă
Sočih-Sri Yàng Pô Lơngì dùi-ba, nửn la anà
Yàng Pô Lơngì.

15 Biắ yơu nửn, buol adoi-ai 'buh hũ đờ-mắ
họtai-akố ngắ hơlủn-hơlắ tồ kừ hơdiũ lăm
pơnuai huố-kớđa; bloh hũ đờ-mắ họtai-akố
ngắ anà rờng, gơnửm tơ nửn buol gudroi hũ iơu
Yàng Pô Lơngì la "Aba, Ama!"

16 Rùp-phủn Bơngă Sočih-Sri ngắ gơrh tơ
họtai-bơngắ buol gudroi lài, buol gudroi la du
anà Yàng Pô Lơngì.

17 Yah buol gudroi la du anà, nửn buol gudroi
kủng la du mớnh đờ-lẻng phủm-kớsai
phỡn-bơna. Sa gah, buol gudroi la du mớnh
đờ-lẻng phủm-kớsai phỡn-bơna Yàng Pô Lơngì;
sa gah pớkớh, buol gudroi la du mớnh đờ-lẻng
phủm-kớsai phỡn-bơna sớng Pô Krist, mớn la
buol gudroi hũ kớng pơnuai pớđi-pớđoa
gleh-glắr gắm sớng Pô, tồ kủng hũ mắng-kớcrà
gắm sớng Pô rơi.

Pơnuai Màng-Koçrà Rơ Truh

18 Biã you năn, dơhã sỡnững lài du pơnuai pơđi-pơđoa gleh-glăr lăm tũ ni 'buh sỡp-păl tô pơcàu-pơmoyou jỡng sỡng pơnuai màng-koçrà rỡ truh, la pơnuai màng-koçrà rỡ hũ ràng-tơbiã lăm buớ gudrơi.

19 Koyoa abih tỡgrỡ jỡi-phỡn Yàng Pô Lỡngì hũ cỡng-tơbiã, abih họtai-họtìan kraũ-càng biã hỡrỡ Yàng Pô Lỡngì ràng-tơbiã du anà Pô tỡ dun-ya.

20 Koyoa abih tỡgrỡ jỡi-phỡn hũ kỡng mã-pơkỡ păl păng-duh pơnuai lỡhiã-soh, 'buh iớũ koyoa họtai guũu khiãng, bloh koyoa Pô mã pơkỡ guũu păl kỡng you năn, sỡng càng-gỡnữm lài

21 rùp-phũn tỡgrỡ jỡi-phỡn kỡng rỡ hũ toh-tỡleh klàh mững pơnuai ngã hỡlũn-hỡlã tỡ pơnuai brũ-brãm, sỡng rỡ đố-lỡng hũ pơnuai akỡ-lỡhuai tỡkai-lỡnàng sỡng pơnuai màng-koçrà pioh tỡ du anà Yàng Pô Lỡngì.

22 Koyoa buớ gudrỡi thỡu lài: abih tỡgrỡ jỡi-phỡn hũ sỡ-joa wờl lờk sỡng kỡng pơđi-pơđoa gleh-glăr you mỡnih kỡjẻ đìh apui, tỡ truh tỡ hỡrỡi ni.

23 'Buh iớũ mìn tỡgrỡ jỡi-phỡn soh, bloh gẵm abih buớ gudrỡi rỡi, la du mỡnih hũ Bỡngã Sỡch-Sri la boh akỡ thũn, kỡng sỡ-joa lăm họtai-họtìan lăm tũ kraũ-càng pơnuai hũ ngã anà-rờng, la pơnuai đỡng-pơklàh rùp-phập buớ gudrỡi.

24 Lăm pơnuai càng-gỡnữm năn buớ gudrỡi hũ đỡng-pơklàh. Bloh tũ hũ 'buh pơnuai đrỡi

čàng-gơnừm bojơ nừn 'buh dò la čàng-gơnừm tra. Koyoa aràng soi lài čàng-gơnừm lăm pơnuai droi hủ 'buh bojơ?

²⁵ Bloh yah daũ pơnuai čàng-gơnừm lăm pơnuai droi 'bu 'buh, nừn buol gudroi kừ kojăp hotai-hotiàn kraũ-čàng pơnuai nừn.

²⁶ Kũng yơu nừn rơi, Bơngă Sợih-Sri đōng-kờl buol gudroi lăm tũ buol gudroi 'buh khăng-pràn, koyoa buol gudroi 'buh thơu pãl iơu-lài pơnuai hơgẽ tô iơũ, bloh rùp-phũn Bơngă Sợih-Sri angui du pơnuai sả-joa 'buh rơgơi đờm tởbiã jiông bloh iơu-lài ala tở buol gudroi.

²⁷ Sỡng Yàng Pô Lơngì, la Pô ỡơ-thơu lăm hotai-hotiàn anà mớnh, thơu loh-làng hotai-sơnừng Bơngă Sợih-Sri, koyoa Bơngă Sợih-Sri tui hotai-khiăng Yàng Pô Lơngì bloh iơu-lài ala tở du mớnh sỡih-sri.

²⁸ Buol gudroi thơu lài tởgở pơnuai potòm-pơgùm wở ngã kwơ-màng tở du mớnh duh-rơnă Yàng Pô Lơngì, nừn la tở du mớnh hủ iơu-rơwah tui hotai-khiăng Pô hủ ngã-nừn.

²⁹ Koyoa du mớnh Pô hủ thơu dờlơu, nừn Pô kũng ngã-nừn dờlơu tô buol guũ tởbiã jiông mớhiở yơu rùp-rờp Anà Pô, tô Anà nừn hủ ngã Anà Kợcua tởkrah lô adơi-ai.

³⁰ Du mớnh Pô hủ ngã-nừn dờlơu, Pô kũng hủ iơu-rơwah; du mớnh Pô hủ iơu-rơwah, Pô kũng hủ angăn la rĩng-tợpả; du mớnh Pô hủ angăn la rĩng-tợpả, Pô kũng hủ ngã tở màng-kợcrà.

Pơnuai Đōng-Poklành Nin-Kojăp Biã

31 You nũn, buol gudroi rõi ðòm hơgẽ mũng du bruã ni? Yah Yàng Pô Lơngì ðò sỡng gah buol gudroi, nũn ðò aràng sỡi tãmdrã-wỡ sỡng buol gudroi?

32 Truh you rùp-phũn Anà droi, Yàng Pô Lơngì kũng 'buh pơlai, bloh hũ jào Anà nũn koyoa mũng abih buol gudroi, nũn hơyơu Pô rõi 'buh broi tỡ buol gudroi abih tỡgrỡ mớta, gãm sỡng Anà nũn ơu?

33 Aràng sỡi rõi yã bả du mớnih hũ Yàng Pô Lơngì pơlih-rơwah? Koyoa Yàng Pô Lơngì la Pô ngã tỡ buol guũu tỡbiã jỡng rỡng-tợpã.

34 Aràng sỡi rõi la mớnih ngã nỡn-glài buol guũu? Rùp-phũn Yàng Jêsu Krist la Pô hũ kỡng mớtai, sỡng kũng hũ hỡdiũ wỡ, Pô ðò guh tỡ gah hỡnuã Yàng Pô Lơngì, sỡng iỡu-lài ala tỡ buol gudroi.

35 Aràng sỡi rõi pơklah-kroi buol gudroi klàh mũng pơnuai uỡn-rỡnãm bloh Pô Krist hũ pỡh tỡ buol gudroi? Hũ iỡu la pơnuai rỡng-rài, pơnuai pỡđi-pỡđoa gleh-glã, pơnuai mả-pỡkỡũ, pơnuai ở-lợpa, pơnuai kũl-sỡlũn, pơnuai mớtai-lỡhiã, halài thỡng-sỡdrà ơu?

36 You hũ pơnuai wã:

“Koyoa mũng Pô bloh yàu hỡrỡi buol dỡlhã kỡng aràng pỡmớtai;

Buol guũu ỡ buol dỡlhã 'buh kỡi you abo aràng kỡjẽ ngã rỡlo.” *

37 Tỡrblỡ wỡ, lãm abih tỡgrỡ pơnuai nũn, buol gudroi gỡnũm tỡ Pô uỡn-rỡnãm droi bloh

* 8:36 8:36 Pỡđik Adoh Moyòm 44:22.

pha-jai rôlau wĩl-tõl.

³⁸ Koyoa dôlhă păng-tui nĩn-kojăp lài: yah pơnuai mọtai, pơnuai hodiũ, du mơnih gơdrũh, du gơnuār apān-akõ, bruã tũ ni, bruã rơũ truh, du gơnuār-pràn,

³⁹ gah glòng, gah dôrlăm, halài sa jơi-phõn hũ ỡrõng-tõbiã lơi, kũng 'buh rợơi pơklah-kroi buớ gudroi klàh mững pơnuai uõn-rõnãm Yàng Pô Lợngi lăm Yàng Jêsu Krist, la Yàng buớ gudroi.

**MƠNİH JUĐA SỜNG MƠNİH
BUỚ LẶNG AGÀH LẶM BRUẢ
HỮ ANGẶN LA RỜNG-TỜPẢ
KOYOA PƠNUAI PẶNG-TUI**

9

(Mững tãl 9:1 truh tãl 11:36)

Yàng Pô Lợngi Sờng Buớ Làng Hũ Pơlih-Rowah

¹ Dơlhă đờm tợpả biã lăm Pô Krist, dôlhă 'buh đờm lờ, hotai-hotiàn dôlhă kũng ngă gơh tợ dôlhă lăm Yàng Bợngă Sợcìh-Sri

² lài dôlhă dơnuh-dơnà biã sờng pợđi-pợđoa mĩt 'buh pợđơh.

³ Koyoa dôlhă lợkơu-khiăng hợgẽ hũ rợơi rùp-phũn dôlhă kợng pơnuai alẽ-aluah sờng kợng pơklah-atàh mững Pô Krist ala tợ buớ adơi-ai, la adơi-ai gợũ pọtìan dôlhă tui gah rùp-phạp drah-rợlo,

⁴ nửn la buớ làng Israel, la buớ làng hũ Yàng Pô Lợngi đờ-mã ngă anà-ròng, hũ bợi pơnuai màng-kợcờrà, pơnuai pợguãn-pợđoàn, pơnuai

adăt-adia, pơnuai duh-dolbăt, sǝng du pơnuai đòm pơguăn;

⁵ la buol làng hủ pơjiǝng tobiă koyoa mǝng du koi-kǝ pàng-yau, sǝng mǝng joi-potian ni, tui gah rùp-phàp drah-rôlo, Pô Krist hủ tobiă rai, la Pô ngǝ glông rǝlau abih tǝgrǝ mǝta, la Yàng Pô Lôngi iǝu pāl biă tô moyòm-poglông rai pǝdò rai. Amen.

⁶ Đòm you nǝn 'buh iǝu la pơnuai Yàng Pô Lôngi hủ tobiă jiǝng 'buh kwơ-màng. Koyoa 'buh iǝu abih tǝgrǝ mǝnih loi tobiă mǝng Israel nǝn la mǝnih Israel biă.

⁷ Kǝng 'buh iǝu koyoa buol guǝu găm sǝng joi-potian Abraham bloh abih buol guǝu la anà-tǝčo Abraham. Bloh, you hủ wă: “Nǝn la koyoa Isak bloh hă rǝu hủ sa joi-potian angăn tui mǝta hă.” *

⁸ Pơnuai nǝn hủ mǝblàng la 'buh iǝu du anà tui pơ-ơnah rùp-phàp drah-rôlo la du anà Yàng Pô Lôngi, bloh la du anà pơnuai đòm pơguăn; joi-potian nǝn ka hủ kǝrhia la joi-potian biă.

⁹ Biă you nǝn, pơnuai đòm pơguăn la you ni: “Thǝn hǝdǝi, kǝng iǝu lăm tǝ-hǝrǝi ni, Kǝu rǝu gài truh wǝ, sǝng Sara rǝu hủ sa aràng anà lǝkoi.” †

¹⁰ 'Buh iǝu mǝn you nǝn soh, tǝ Rebeka koyoa mǝng sa aràng mǝnih la Isak, koi-kǝ pàng-yau buol gudrǝi, bloh hủ mǝtian dua kǝng you nǝn rǝi.

¹¹ Dǝlhou tǝ tǝ dua aràng anà ka đih apui tobiă, ka ngă sa pơnuai siàm halai pơnuai

* 9:7 9:7 Bơ-àr Cǝmrùp 21:12. † 9:9 9:9 Bơ-àr Cǝmrùp 18:10.

mơsak-jơhà lơi — tô păng-rơmiă kojăp hotai
ngă-nìn Yàng Pô Lơngì lăm pơnuai
pơlih-rơwah, 'buh iơu tui bruă ngă bloh tui Pô
iơu-rơwah —

¹² nữn mơnih ame hữ pơnuai đờm bơi
pơthơu đơlơu lài: “Mơnih sơ-ai rơũ duh-bruă
tơ mơnih adơi.” ‡

¹³ Yơu hữ pơnuai wă: “Kơu rơnăp Jakôp bloh
mơbai Esau.” §

¹⁴ Yơu nữn buol gudrơi rơũ đờm hơyơu? Hữ
iơũ Yàng Pô Lơngì 'buh rĩng-tơpă ơu? 'Buh tũ
lơi yơu nữn!

¹⁵ Koyoa Pô hữ đờm sỡng Môise lài:

“Kơu khiăng siàm hotai-hotiàn aràng sỡi nữn
siàm,

Khiăng anit-anăr aràng sỡi nữn anit-anăr.” *

¹⁶ Yơu nữn, aràng hữ pơlih-rơwah 'buh iơu
koyoa hotai dơi khiăng halài koyoa đũa duah
bloh hữ, bloh la koyoa Yàng Pô Lơngì
rơnăp-anit.

¹⁷ Koyoa 'Bôn Bơ-àr Sỡih-Sri kũng đờm sỡng
Pharaôn lài: “Kơu hữ pồ hã đì-tơgồ, la tô angui
hã ngă pơnuai ràng-tơbiă gơnăp-gơnuăr Kơu, tô
angăn Kơu hữ akhàn-tơbiă lăm abih lỡn-tơnah.”

¹⁸ Yơu nữn, Yàng Pô Lơngì khiăng rơnăp-anit
aràng sỡi nữn rơnăp-anit, Pô khiăng ngă
kră-khăng hotai-hotiàn aràng sỡi nữn ngă.

¹⁹ Yơu nữn adơi-ai gờũ rơũ tơnia đơlhă lài:
“Yah yơu nữn kơđà hợgẽ Pô dò puai buah?

‡ 9:12 9:12 Bơ-àr Cơmừp 25:23.

§ 9:13 9:13 Malaçi 1:3.

* 9:15 9:15 Tơbiă Mỡng Ejiptơ 33:19.

Koyoa aràng soi hũ rơgơi tãmdră-wở sớng hotai-khiăng Pô jĩớng?”

20 Bloh, ơ mớnih dih, adơi-ai gơũ la aràng soi bloh khĩn tãm-mớsau wở sớng Yàng Pô Lơngì? Ngã hơyơu sa phớn angui hũ ngã sớng lớn-koliã bloh khĩn đờm sớng mớnih ngã tởbiã dơi lài: “Kơđã hơgẽ kơi ngã tởbiã dơihã yơu ni?”

21 Mớnih khờh angui lớn-koliã bloh 'buh hũ gơnuãr tơ ngỗ lớn-koliã, tồ mũng lãm sa khuk lớn-koliã bloh ngã tởbiã du phớn angui kơi gơũ, phớn nửn angui lãm bruã ớk-màng, phớn nửn angui lãm bruã tít bớhiàn ơu?

22 Yàng Pô Lơngì kũng yơu nửn rơi: yah khiăng ràng-tởbiã pơnuai anok-anoa prớng Pô, sớng bơi thơu gơnãp-gơnuãr Pô, bloh Pô hũ abih hotai-hotiàn kớng ă-ữn du mớnih iơũ pãl tồ kớng pơnuai anok-anoa prớng, hũ rớchãng lờih tơ pơnuai pơluĩ-pơlơhiã.

23 Yàng Pô Lơngì kũng khiăng bơi thơu pơnuai màng-kớcrà Pô dơlah-dơlài thơu hớdùm sớng du mớnih hũ Pô anit-rơnã, la du mớnih bloh Pô hũ rớchãng lờih dơlhơu tồ đờ-mã pơnuai màng-kớcrà nửn.

24 Lãm du mớnih nửn hũ rúp-phũn buớl gudơi, la du mớnih Pô hũ iơu-rơwah, 'buh iơũ mĩn mũng lãm buớl làng Judã, bloh kũng mũng du buớl làng agàh rơi.

25 Yơu Pô hũ đờm lãm bơ-àr Ose lài:

“Kơu rớũ iơu du mớnih 'buh iơũ buớl làng Kơu la buớl làng Kơu,

Kơu rớũ iơu du mớnih 'buh hũ ướn-rơnã la

mơnh Kơu uõn-rơnăm.” †

²⁶ “Sống tơ anih Kơu đờm sống buớl guñu:
‘Buớl guhã 'buh iơu la buớl làng Kơu,’

Nữn kũng tơ anih nữn buớl guñu rơu hũ
angăn la ‘du anà Yàng Pô Lơngì, Pô hodiũ rài
pơdò rài.’ ” ‡

²⁷ Mơnh gơnuă-hwõr Esai hũ prõng sấp đờm
mũng buớl làng Israel lài: “Yah khà anà-tớc
Israel lô yơu c̣uah lăm ia-tơsì, nữn kũng mĩn sa
pơ-ơnah dò dơlah wở rơu hũ đõng-pơklàh soh;

²⁸ koyoa Yàng rơu sơmăr sống nĩn-kojăp biã
ngã iơu tốpă pơnuai Pô lăm ngõ lữn.” §

²⁹ Esai kũng hũ đờm pơthơu dơlơu:

“Yah Yàng du tơpuớl-lĩng 'buh luơi wở tơ
buớl gudrơi sa-sĩt anà tớc,

Nữn buớl gudrơi hũ tởbiã jĩng yơu
plơi-prõng Sôđôm, sống mớhiở yơu plơi-prõng
Gômôr bojơ.” *

Buớl Làng Israel Sống Pơnuai-Siàm

³⁰ Yơu nữn buớl gudrơi rơu đờm hơyơu? Du
buớl làng agàh 'buh tui duah pơnuai rĩng-tốpă,
nữn hũ pơnuai rĩng-tốpă, bloh la pơnuai
rĩng-tốpă truh koyoa pơnuai pãng-tui.

³¹ Dò buớl làng Israel hũ abih hơtai-hơtiàn
gơnàng lăm pơnuai adăt-adia tô tui duah
pơnuai rĩng-tốpă, nữn 'buh hũ jĩng, koyoa
'buh ngã wĩl-tớl pơnuai adăt-adia.

³² Kơđã hơgẽ yơu nữn? Koyoa buớl guñu
'buh tui duah sống pơnuai pãng-tui, bloh sống

† 9:25 9:25 Ôse 2:23. ‡ 9:26 9:26 Ôse 1:20. § 9:28 9:28 Esai
10:22,23. * 9:29 9:29 Esai 1:9.

bruã ngă. Buol guñu kôđòng potúp-sone iou tơ
boh potơu ngă tô sone tókai,

³³ you pơnuai hũ wă:

“Ni, Kơu luoi tơ Siôn sa boh potơu sone tókai,
sa boh potơu ngă tô sone lơbuh,

Bloh ràng soi păng-tui lăm năn, rơu 'buh
kông mơlou alah.” †

10

Pơnuai Dông-Poklăh Tơ Abih Tơgrở Mơnih

¹ Ở buol adơ-ai, pơnuai lơkơu-khiăng biă
lăm hotai-hotiàn dơlhă, sông pơnuai dơlhă
iơu-lài sông Yàng Pô Lơngì tơ buol làng Israel,
la buol guñu hũ dơng-poklăh.

² Dơlhă hũ rơgơi ngă gơơh tơ buol guñu lài
buol guñu hũ abih hotai-hotiàn biă sông Yàng
Pô Lơngì, bloh pơnuai abih hotai-hotiàn năn
'buh tởl pơnuai wă-wờng.

³ Koyoa buol guñu 'buh kràn-thơu aràng hũ
tơbiă jĩng rĩng-tơpă la gơnừm tơ Yàng Pô
Lơngì, năn buol guñu abih hotai-hotiàn tui
duah pơnuai tơbiă jĩng rĩng-tơpă sông pràn
phũn dơi, bloh 'buh khiăng păng-bơbah ngă
tui pơnuai rĩng-tơpă Yàng Pô Lơngì.

⁴ Koyoa Pô Krist hũ ngă wĩl-tởl abih tơgrở
pơnuai-phũn bloh pơnuai adăt-adia pơđar, tơ
yah aràng soi păng-tui Pô năn hũ angăn la
rĩng-tơpă.

⁵ Mỗise wă mững pơnuai rĩng-tơpă truh
koyoa pơnuai adăt-adia lài: Yah aràng soi ngă

† 9:33 9:33 Êsai 28:16.

tui du pơnuai ni, nũn rơu gơnũm tơ nũn bloh hũ hơidiũ. *

⁶ Bloh pơnuai rĩng-topã truh mũng pơnuai pãng-tui, nũn đờm yơu ni: Juoi đờm lăm hotai-hotiàn dơi lài: “Aràng soi rơu ãi tơ ngỗ lợngi?” Đờm yơu nũn mớblàng la, “Aràng soi rơu ãi tơ ngỗ lợngi tô ba Pô Krist trũn?”

⁷ halai: “Aràng soi rơu trũn tơ ala đrõng đorlãm?” Đờm yơu nũn mớblàng la, “Aràng soi rơu trũn tơ anih nũn tô apãn Pô Krist hơidiũ ỡ mũng pơnuai mọtai?”

⁸ Bloh pơnuai nũn đờm hợgẽ?

“Pơnuai Yàng Pô Lợngi dò jẽ sống adơi-ai,
Dò lăm kàng-bơbah sống lăm hotai-hotiàn
buỏi adơi-ai.”

Nũn la jolãn pơnuai pãng-tui bloh buỏi đơlũa poto-akhàn.

⁹ Yơu nũn, yah kàng adơi-ai akhàn-tơbiã Yàng Jêsu la Yàng, sống hotai-hotiàn adơi-ai pãng-tui lài Yàng Pô Lợngi hũ ngã tơ Pô mũng pơnuai mọtai hơidiũ ỡ, nũn adơi-ai rơu hũ đõng-pơklah.

¹⁰ Koyoa aràng soi pãng-tui lăm hotai-hotiàn nũn hũ angãn la rĩng-topã, sống koyoa kàng đờm ngã gơh bloh hũ pơnuai đõng-pơklah.

¹¹ Bồn Bơ-àr Sợih Sri đờm: “Aràng soi pãng-tui Pô rơu 'buh kớđòng mớlou alah.” †

¹² Yơu nũn, 'buh hũ pơnuai pơklah-kơoi hợgẽ tơkrah mớnih Jũa sống mớnih Grek, koyoa mĩn hũ sa Yàng tơ abih tợgrỡ mớnih, la Pô bơoi

* 10:5 10:5 Lebi 18:5. † 10:11 10:11 Êsai 28:16.

pơnuai anit-broi-soh dolah-dolai tơ abih tơgrở
mơnih iơ-lokơu Pô.

¹³ Koyoa: “Aràng soi iơ-lokơu angăn Yàng
nữn rơũ hũ dõng-pơklah.” ‡

¹⁴ Bloh buol guñu ka pãng-tui Pô nữn
iơ-lokơu hơyơu jiõng? Ka mớhữ đờm mững Pô
nữn ngã hơyơu bloh pãng-tui? Yah 'buh hũ
aràng soi poto-akhàn nữn ngã hơyơu buol
guñu mớhữ?

¹⁵ Yah 'buh hũ aràng soi hũ pơđãr nau, nữn
ngã hơyơu poto-akhàn? Yơu hũ pơnuai wã:
“Plà tơkai mơnih poto-akhàn Pơnuai-Siàm la
mớkrư-siàm thơu hơdùm!” §

¹⁶ Bloh 'buh iơũ abih tơgrở mơnih
pãng-bơbah ngã tui Pơnuai-Siàm ơu. Koyoa
mơnih gơnuãr-hwõr Êsai kũng hũ đờm: “Khoai
Yàng! Aràng soi khiãng pãng-tui pơnuai buol
dolhã poto-akhàn?” *

¹⁷ Yơu nữn, pơnuai pãng-tui truh koyoa mững
pơnuai aràng mớhữ, bloh aràng mớhữ, la tũ
pơnuai Pô Krist hũ poto-akhàn.

¹⁸ Bloh dolhã yòng tơnia: Hũ iơũ la buol guñu
ka mớhữ ơu? Iơũ biã, buol guñu hũ mớhữ bớjơ,
koyoa:

“Sãp du mơnih poto-akhàn hũ dờlờng lãm
abih tơgrở anih,

Sõng pơnuai buol guñu hũ truh tơ anih
lũi-dũt dun-ya.” †

‡ **10:13 10:13** Jôel 2:32. § **10:15 10:15** Êsai 52:7. * **10:16 10:16**
Êsai 53:1. † **10:18 10:18** Pơđik Adoh Moyòm 19:4.

19 Dơl hã tơnia wở: Hũ iơu la buớ làng Israel 'buh wờng ơu? Dơl hơu biã yòng pãng pơnuai Yàng Pô Lơngì hũ đờm koyoa Môise:

“Kơu rờu ngã tơ buớ guhã oàn-mơbai sống sa buớ làng 'buh iơu pãl tô hũ angãn la buớ làng;

Kơu rờu ngã tơ buớ guhã anok-anoa sống sa buớ làng bớngũl-gơla.” ‡

20 Êsai kũng hũl-pràn hơtai-hơtiàn biã tử nũ đờm pơnuai Yàng:

“Du mơnih 'buh tui duah Kơu nũn hũ tòm 'buh Kơu,

Kơu hũ ràng-tơbiã rùp-phũn Kơu tơ du mơnih 'buh tơnia duah Kơu.” §

21 Bloh mững buớ làng Israel nũn Pô đờm:

“Luĩ hơơi-mơlãm Kơu pơh tợngàn iơu-jà sa buớ làng 'buh pãng-bobah sống tãmdrã-wở.”*

11

Hơtai-Hơtiàn Siàm-Anĩt Yàng Pô Lơngì Sống Buớ Làng Israel

1 Yơu nũn dơl hã yòng tơnia: Yàng Pô Lơngì hũ klà luoi buớ làng Pô ơu? 'Buh tử lơi yơu nũn! Koyoa rùp-phũn dơl hã la mơnih Israel, anà-tợcơ Abraham, lãm jơi-pơtiàn 'Benjamin.

2 Yàng Pô Lơngì 'buh tử lơi klà luoi buớ làng Pô, la buớ làng bloh Pô hũ thơu dơl hơu. Buớ adơi-ai 'buh thơu 'Bồn Bơ-àr Sợcìh-Sri wã hợgẽ mững bruã Eli ơu? Tử iơu-lài sống Yàng Pô Lơngì, nũ hũ đờm yã buớ làng Israel lài:

‡ 10:19 10:19 Akhàn Wở Pơnuai Adãt-Adia 32:21 § 10:20 10:20 Êsai 65:1. * 10:21 10:21 Êsai 65:2.

3 “Khoai Yàng, buol guñu hũ pơmơtai du mơnih gơnuar-hwở Pô, ngã jơrlơh-tơrlũng sớbàn duh-dơlbắt Pô. Mĩn dò dơlah wở sa aràng anà, nũn bloh buol guñu kũng duah pơmơtai anà rơi.” *

4 Bloh Yàng Pô Lơngì đờm sớđồ wở sớng nũ hơyơu lơi? “Kơu hũ pơh tơ Kơu tởjuh rờbơu aràng mơnih lơkơi 'buh tũ lơi cễ tở-ù khoai tở anau Ba-al.” †

5 Hơrơi ni kũng yơu nũn rơi, hũ sa pơ-ơnah dò dơlah wở tui pơnuai pơlih-rơwah kơyoa pơnuai anit-bơi-sơh.

6 Bloh yah la kơyoa pơnuai anit-bơi-sơh nũn 'buh cằng truh bruã ngã tra; yah 'buh ơu nũn, pơnuai anit-bơi-sơh 'buh dò la pơnuai anit-bơi-sơh tra.

7 Yơu nũn la hơyơu? Buol làng Israel 'buh duah hũ pơnuai buol guñu tui duah. Du mơnih hũ pơlih-rơwah nũn duah hũ, dò du mơnih pơkởn nũn tởbiã jởng krã-khăng hotai-hotiàn,

8 yơu hũ pơnuai wã:

“Yàng Pô Lơngì hũ bơi tở buol guñu sa hotai-bơngã kơnăm-mơsrữ,

Mơta buol guñu 'bu 'buh, tởnia buol guñu 'buh mơhữ, tởl truh tở hơrơi ni.” ‡

9 Pơtau Đabit kũng đờm:

“Lơkơu hơgễ cởnũng mớnũm 'bớng buol guñu tởbiã jởng sa boh gạu sớng sa boh pơtởng,

Sa boh pơtởu sớnh tởkai, sớng sa pơnuai ngã glài iơũ pãl tở buol guñu.

* 11:3 11:3 I Tơgrở Pơtau 19:10. † 11:4 11:4 I Tơgrở Pơtau 19:18. ‡ 11:8 11:8 Akhàn Wở Pơnuai Adãt-Adia 29:4.

10 Lơkơu hợgẽ mợta buọl gụnũ bôm-mợsrũ tô
'buh dò 'buh giởng,

Sống kớ-iảng buọl gụnũ kừ krũn mĩt-mĩt.” §

Pơnuaị Dỡng-Pọklàh Truh Sỡng Buọl Làng Agàh

11 Nừn dỡlũa yòng tợnia: Hủ iớũ buọl làng
Israel sỡnẽ tợkai yờu nừn tô lơbuh tợ ala ớu?
'Buh tử lơi yờu nừn! Bloh kợyoa pơnuaị buọl
gụnũ ngả glài-sỡnoh bloh pơnuaị dỡng-pọklàh
hủ truh sỡng buọl làng agàh, tô ngả tợ buọl
gụnũ pãl oàn tẳmkợchah.

12 Yah kợyoa pơnuaị buọl gụnũ sỡnẽ lơbuh
lẳm glài-sỡnoh hủ ba pơnuaị anĩt-bợi-sờ
dợlah-dợlài tợ dun-ya, sỡng yah pơnuaị buọl
gụnũ 'buh pha-jai rợlau hủ ba pơnuaị
anĩt-bợi-sờ dợlah-dợlài tợ du buọl làng agàh,
nừn tử buọl gụnũ đợ-mả pơnuaị anĩt
dỡng-pọklàh wĩl-tợl, tử nừn du pơnuaị
anĩt-bợi-sờ buọl gụnũ hủ rợũ dợlah-dợlài
rợlau thợu hợdùm!

13 Dỡlũa đợm sỡng buọl adợi-ai la du mợnih
buọl làng agàh: Hợdùm suới dỡlũa dò ngả
mợnih tợdi-tợdài tợ buọl làng agàh, dỡlũa rợũ
dò ngả sớrdah-kợcrà tợ gợnuảr bừa dợi,

14 Lợkợu-khiảng hợyờu gợnừm tợ nừn hủ
rợgợi pợsủt-pợtợgợ hotai-hotiàn oàn tẳmkợchah
lẳm jợi-pợtiàn dỡlũa, bloh dỡng-pọklàh hủ
sa-sĩt mợnih lẳm buọl gụnũ.

15 Kợyoa yah bừa buọl gụnũ kợng klà luoị hủ
ba truh pơnuaị hợlẳ-tẳmsờ tợ abih dun-ya,
nừn bừa buọl gụnũ gài mợrai wợ lẳm pơnuaị

anĩt-broi-soh 'buh iơũ la pơnuai hơdiũ truh
mững pơnuai mọtai ơu?

16 Yah pơ-ơnah tộpũng-bràh ẵmrừp hũ poyă
la sớch-sri, nũn abih sa tơnài tộpũng-bràh
kũng sớch-sri; sỡng yah akha la sớch-sri, nũn
du thàn kũng sớch-sri rời.

17 Bloh yah hũ du thàn kỡng koh prah, sỡng
adoi-ai gỡũ la thàn ôlibe glai hũ pơgặp tơma
lăm anih du thàn nũn tồ hũ pơrpha kotă hơdiũ
mững akha kỡyơu ôlibe phũn,

18 nũn juơi yeh-droi pơglờng-rùp bloh ẵ 'buh
sỡp tơ du thàn nũn. Yah adoi-ai gỡũ yeh-droi,
nũn yờng sớdỡr bẻ lài 'buh iơũ adoi-ai gỡũ
kỡng-anờng akha, bloh la akha kỡng-anờng
adoi-ai gỡũ.

19 Adoi-ai gỡũ rỡũ đờm: “Du thàn hũ kỡng
koh luoi, tồ đờhă hũ pơgặp tơma lăm anih nũn.”

20 Iơũ biă yờu nũn. Du thàn nũn hũ kỡng koh
luoi, kỡyơa guũn 'buh khiăng pặng-tui, bloh
adoi-ai gỡũ nũn gỡnừm tơ pơnuai pặng-tui bloh
hũ dò đờng tơ anih nũn. Juơi yeh-droi
pơglờng-rùp, bloh pặ huỡ-kớđa bẻ!

21 Kỡyơa yah Yàng Pồ Lờngì 'buh pơlai du
thàn phũn, nũn Pồ kũng 'buh pơlai adoi-ai gỡũ
la du thàn pơgặp ơu.

22 Yờu nũn, adoi-ai gỡũ ẵ thờu bẻ pơnuai
siàm-anĩt sỡng pơnuai kớđờng-mớsak Yàng Pồ
Lờngì la hỡyờu lời. Pồ kớđờng-mớsak sỡng du
mớnih klà luoi Pồ, bloh rặng-tỏbiă họtai-hotiàn
siàm-anĩt sỡng adoi-ai gỡũ, mỗn la adoi-ai gỡũ
kừ sớđau dò mỗt lăm họtai-hotiàn siàm-anĩt Pồ;
yah 'buh ơu nũn, adoi-ai gỡũ kũng rỡũ kỡng

koh prah.

²³ Mững pơ-ơnah buol guñu, yah buol guñu prah luoi hotai-hotiàn kră-khăng 'buh khiăng păng-tui, nửn buol guñu rơũ hủ pơgăp tơma, koyoa Yàng Pô Lơngì hủ gơnuăr pơgăp buol guñu tơma wở.

²⁴ Yah adơi-ai gơũ sớđăũ la thàn koyou ôlibe glai, bloh dò hủ koh sớng pơgăp tơma lăm koyou ôlibe siàm, tơblở wở sớng adăt lơđăp-bơhiàn, nửn đờm hơgế buol guñu sớđăũ la du thàn koyou ôlibe phũn, nửn tũ hủ pơgăp tơma wở lăm rùp-phũn koyou ôlibe dơi, rơũ siàm mớkrư rơlau la thơu hơdùm.

Buol Làng Israel Rơũ Hủ Dỡng-Poklăh

²⁵ Ở buol adơi-ai, dơihă khiăng buol adơi-ai wờng thơu pơnuai tơđơũ-dơlăm ni tô buol adơi-ai 'buh bơi rùp-phũn dơi la jak-khờh, nửn la: Sa pơ-ơnah buol làng Israel hủ tơbiă jĩống kră-khăng hotai-hotiàn tởl truh tơ tũ khà buol làng agàh hủ pơtơma bảũ tởl.

²⁶ You nửn, abih buol làng Israel rơũ hủ dỡng-poklăh, yơu hủ pơnuai wả:

“Pô Dỡng-Poklăh rơũ truh mững Siôn,

Suă prah pơnuai 'buh păng-tui klăh mững sàng Jakôp.” *

²⁷ “Sớng ni la pơnuai pơguăn-pơđoàn Kơu ngả sớng buol guñu,

Tũ Kơu toh-luoi abih glài-sơnoh tơ buol guñu.” †

* 11:26 11:26 Êsai 59:20. † 11:27 11:27 Êsai 27:9.

28 Tui Pơnuai-Siàm, nữn buol guñu la du mơnih mớbai-tămdră sớng Yàng Pô Lơngì, pơnuai nữn hủ kwơ-màng tơ buol adơi-ai; bloh tui pơnuai pơlih-rơwah, nữn buol guñu hủ rơnăm-anít gơnừm tơ du kơi-kổ pàng-yau droi.

29 Koyoa du pơnuai bơi-soh sớng pơnuai iơu-rơwah mớng Yàng Pô Lơngì 'buh tữ lời pơsơlih.

30 Yơu buol adơi-ai mớng dơlhou thơi 'buh păng-bơbah ngă tui Yàng Pô Lơngì, bloh tữ ni hủ anít-rơnăm koyoa buol guñu 'buh păng-bơbah ngă tui,

31 nữn kũng yơu nữn rơi, tữ ni buol guñu 'buh păng-bơbah ngă tui, bloh gơnừm tơ pơnuai anít-rơnăm hủ ràng-tơbiă sớng buol adơi-ai, ni buol guñu kũng đờ-mă hủ pơnuai anít-rơnăm rơi.

32 Koyoa Yàng Pô Lơngì hủ kơdrở abih tơgrở mơnih lăm anih 'buh păng-bơbah ngă tui, tồ rơnăm-anít abih tơgrở mơnih.

33 O! tơđơu-dơlăm biă la pơnuai mớda gơn-hựp, pơnuai jak-khờh sớng pơnuai wờng-thơu Yàng Pô Lơngì! Pơnuai Pô ăhroña hủ aràng sơi thơu jờng, du jờlàn-sơnah Pô hủ aràng sơi wờng jờng!

34 “Koyoa aràng sơi thơu jờng hotai-sơnửng Pô,

Aràng sơi la mơnih gơnuăr bơyai bruă tơ Pô?”

35 Halài “aràng sơi hủ bơi tơ Yàng dơlhou, Tô hủ Pô bơ-yàr cũu wở?”

36 Koyoa abih tơgrở jời-phởn la koyoa mớng Pô ărờng-tơbiă, hủ dò hơidiu gơnừm tơ Pô sớng

koyoa Pô. Pơnuai măng-kơcrà dò abih lăm Pô
rài pơdò rài 'buh lui! Amen.

PƠNUAI PƠTO-KƠKƠI

12

(Mừng tãl 12:1 truh tãl 15:13)

Rài Hơdiũ Bơrhơu Lăm Pô Krist

¹ Yơu nũn, ơ buơl adơi-ai, koyoa Yàng Pô
Lơngì hũ ràng-tobiã hơtai-hơtiền anĩt-rơnãm
prông sỡng buơl gudrơi, nũn dơl hã lơkơu-yòng
buơl adơi-ai pơyã bẽ rài hơdiũ dơi tơ Yàng Pô
Lơngì yơu sa phỡn cẽ-pơyỡr duh-dơl bấ hơdiũ
sỡng sỡch-sri, sa phỡn cẽ-pơyỡr duh-dơl bấ
siàm hơtai Yàng Pô Lơngì. Nũn la pơnuai
duh-dơl bấ iỡu tốpã biã tồ buơl adơi-ai
duh-dơl bấ Pô.

² Juơi ngã tui rài ni, bloh pãl hũ pơsỡlih tui
pơnuai pơsỡlih bơrhơu lăm hơtai-akỗ dơi, tồ
buơl adơi-ai hũ rợơi kỡnãl-pơklah jỡng
hơtai-khiãng Yàng Pô Lơngì la hợgẽ, sỡng wờng
thơu loh-làng pơnuai hợgẽ mớkrư-siàm, wĩl-tỡl,
siàm hơtai Pô.

³ Yơu nũn, gỡnừm tơ pơnuai anĩt-bơi-soh
Yàng hũ bơi tơ dơl hã, dơl hã yòng òm sỡng
yàu aràng lăm buơl adơi-ai lài: juơi cớ-sỡnừng
glòng rợlau òi mừng rùp-phũn dơi, bloh pãl
cớ-sỡnừng iỡu tốpã sa-sít, tui iỡu sỡng pơnuai
pãng-tui bloh Yàng Pô Lơngì hũ bơi tơ yàu
aràng.

⁴ Koyoa mớhiỡ yơu lăm sa boh rùp-pháp,
buơl gudrơi hũ lô pơ-ơnah, sỡng du pơ-ơnah
'buh ngã sa bruã mớhiỡ yơu gớu,

⁵ kũng yêu nửn rơi, buol gudroi yah lô mớnih, bloh mĩn la sa rùp-pháp lăm Pô Krist, sớng yàu aràng buol gudroi la du pơ-ơnah lăm rùp-pháp nửn.

⁶ Buol gudroi hủ du pơnuai broi-soh kroi gờ, tui yêu pơnuai anit-broi-soh Yàng broi: Mớnih hủ pơnuai broi-soh đờm hwở, nửn đờm bẻ tui pơnuai pãng-tui droi;

⁷ mớnih hủ pơnuai broi-soh duh bruă, nửn abih hotai-hotiàn bẻ bloh duh bruă; mớnih hủ pơnuai broi-soh poto-pơsài, nửn abih hotai-hotiàn bẻ bloh poto-pơsài;

⁸ mớnih hủ pơnuai broi-soh poto-kơkơi, nửn kojăp hotai-hotiàn bẻ bloh poto-kơkơi; mớnih hủ pơnuai broi-soh pơpha-broi, nửn mã bẻ hotai-hotiàn lơnah-lònàng bloh broi pơpha; mớnih hủ pơnuai broi-soh apăn-akỏ, nửn abih hotai-hotiàn bẻ bloh apăn-akỏ; mớnih hủ pơnuai broi-soh ngã bruă anit-dờng, nửn sờh-sài bẻ bloh ngã.

Hơdiũ Lăm Pơnuai Anit-Ronăm

⁹ Hotai-hotiàn uớn-ronăm păl tợpă-tợpe 'buh hủ mothỉ-lờ. Mớbai bẻ tợ pơnuai mớsak-johà bloh rợlĩn-kojăp sớng pơnuai siàm.

¹⁰ Uớn-ronăm bẻ tợ gờ sớng abih hotai-hotiàn yêu uớn-ronăm adoi-ai phũn; mã bẻ hotai-hotiàn cớ pờng-màng bloh ả-ữn tợ gờ.

¹¹ Păl tợriăng-tợryông ngã bruă, juoi alah. Păl abih hotai-hotiàn duh bruă Yàng.

12 Sờh-sài bẻ lăm pơnuai cằng-gơnum, ă-ủn bẻ lăm pơnuai pơđi-pơđoa gleh-glăr, kojăp hotai-hotiàn bloh ịơu-lài.

13 Bơi pơpha bẻ mừng tởgrở pơnuai pāl hủ tô angui sống du mơnih păng-tui Yàng pấp pơnuai siơu kơđong; pāl hủ hotai-hotiàn wă-rò thuai.

14 Lơkơu lơngai-pơtuah bẻ tơ du mơnih mả-pơkơu buol adơi-ai; lơkơu lơngai-pơtuah bẻ, juoi alễ-aluah.

15 Sờh-sài bẻ sống mơnih sờh-sài, hia bẻ sống mơnih hĩa.

16 Hơđiũ bẻ hơlăr-tămsòr sống gơũ; juoi hủ hotai-sơnững pơglòng-rùp, bloh pāl pơ-ơneh rùp hơđiũ hơlăr-siàm sống du mơnih bơhiàn 'buh prông-màng. Juoi bơi rùp-phũn dơi la mơnih jak-khờn.

17 Juoi mả pơnuai mớsak-jờhà bơ-yàr wở pơnuai mớsak-jờhà tơ aràng sơi, bloh pāl abih hotai-hotiàn tui duah pơnuai siàm tơ anaũ tởgrở mơnih.

18 Yah hủ rơgơi jĩống, nũn abih pràn-hotai bẻ bloh hơđiũ hơlăr-siàm sống tởgrở mơnih.

19 Ở buol adơi-ai uởn-rơnămbiă, rùp-phũn buol adơi-ai juoi ngă bơ-yàr wở pơnuai mớsak-jờhà tơ mơnih ngă pơnuai mớsak-jờhà tơ dơi, bloh luoi bẻ tơ pơnuai anok-anoa prông Yàng Pô Lơngi ngă bừa nũn, kơyoa hủ pơnuai wă: “Ngă bơ-yàr wở pơnuai mớsak-jờhà la bừa Kơu, Kơu rơũ ngă bơ-yàr wở.” *

20 Bloh, “yah mơnih mớbai-tămdră sống buol

* 12:19 12:19 Akhàn Wở Pơnuai Adăt-Adia 32:35.

adoi-ai lopa, broi bẻ buol guñu 'bõng; yah mớhau ia, broi bẻ buol guñu mớñm; koyoa ngã yơu nửn 'buh kroi yơu buol adoi-ai daũ du a-ngàh apui mớ-yah tở ngõ akõ buol guñu." †

²¹ Juoi luoi pớnuai mớsak-johà pha-jai rólau droi, bloh pǎl mã pớnuai siàm pha-jai rólau tở pớnuai mớsak-johà.

13

Pǎng-Duh Du Gớnuǎr Apǎn-Akõ Ploi-Logǎr

¹ Yàu aràng lǎm buol adoi-ai pǎl pǎng-bớbah ngã tui du gớnuǎr apǎn-akõ ploi-logǎr. Koyoa 'buh hủ gớnuǎr loi bloh 'buh truh mũng Yàng Pô Lơngì. Du gớnuǎr apǎn-akõ ploi-logǎr la koyoa mũng Yàng Pô Lơngì bở pớđi.

² Koyoa nửn, aràng soi tǎmdrǎ sớng gớnuǎr apǎn-akõ ploi-logǎr la tǎmdrǎ-wớ sớng gớnuǎr-pớđǎr Yàng Pô Lơngì hủ bở pớđi; sớng du mớnih ngã yơu nửn rớũ lẻng-mả pớnuai ấhroña tở droi.

³ Koyoa du gớnuǎr apǎn-akõ ploi-logǎr 'buh iớũ luoi tở mớnih ngã pớnuai siàm huớĩ, bloh luoi tở mớnih ngã pớnuai johà-mớsak huớĩ. Adoi-ai gớũ khiǎng 'buh huớĩ tở du gớnuǎr apǎn-akõ ploi-logǎr ơu? Ngã bẻ du pớnuai siàm, nửn adoi-ai gớũ rớũ hủ moyòm-rớnăm.

⁴ Koyoa gớnuǎr apǎn-akõ ploi-logǎr la hỏlủn-hỏlả Yàng Pô Lơngì tở ngã pớnuai siàm tở adoi-ai gớũ. Bloh yah adoi-ai gớũ ngã pớnuai mớsak-johà, nửn pǎl huớĩ bẻ. Koyoa buol guñu

† 12:20 12:20 Pớđik Poto 25:22,22.

apăn đào 'buh iou̯ la 'buh kwơ ơu; buol guñu la holũn-holã Yàng Pô Lơngì tô ngã glài du mơnih ngã pơnuai mớsak-johà.

⁵ Koyoa nũn, pãl pãng-bơbah ngã tui gơnuãr apăn-akõ plơi-lơgãr, 'buh iou̯ mĩn koyoa huoi kơđòng ngã glài soh, bloh kũng koyoa hotai-hotiàn rơi.

⁶ Kũng koyoa mũng pơnuai nũn bloh buol adơi-ai daũ jia, koyoa gơnuãr apăn-akõ plơi-lơgãr la holũn-holã Yàng Pô Lơngì tô ngã gơnuãr bruã ni.

⁷ Pãl bơ-yàr tơ tơgrữ mơnih du pơnuai droi hũ sre-kơđòng: daũ jia tơ mơnih droi pãl daũ jia; rĩ-daũ tơ mơnih droi pãl rĩ-daũ; huoi tơ mơnih droi pãl huoi; ơ prõng-màng tơ mơnih pãl ơ prõng-màng.

Hơdiũ Uõn-Rơnăm La Ngã Wĩl-Tõl Pơnuai Adăt-Adia

⁸ Juoi sre-kơđòng aràng sơi pơnuai hơgẽ, mĩn sre-kơđòng mũng pơnuai uõn-rơnăm gơũ soh. Koyoa aràng sơi rơnăm mơnih pơkõn la ngã wĩl-tõl pơnuai adăt-adia.

⁹ Koyoa du pơnuai adăt-pơđãr: “Hã juoi ngã glài klẽ sơdiũ-aràng pơsàng-gơũ, juoi pơmơtai mơnih, juoi klẽ-blõ, juoi hàm-làm,” sỡng abih tơgrữ pơnuai adăt-pơđãr pơkõn, kũng mĩn tơgũm-wõ lãm sa pơnuai ni: “Hã pãl rơnăm tơ mơnih gơũ sa plơi adơi sa 'bãng yơu rơnăm rùp-phũn droi.”

¹⁰ Pơnuai uõn-rơnăm 'buh ngã johà tơ mơnih gơũ sa plơi adơi sa 'bãng; koyoa nũn, uõn-rơnăm la ngã wĩl-tõl pơnuai adăt-adia.

Păl Mòdoh-Kraũ Sồng Hòdiũ Sợch-Sri

¹¹ Buol adoi-ai pāl ngã bẻ yêu nủn, koyoa buol adoi-ai thoi buol gudroi dò hodiũ lăm tũ-hoi loi. Tũ jơ buol gudroi mừng đih tợgồ mớđoh hủ truh bớjơ. Koyoa tũ ni pơnuai anit đống-pơklah hủ jẻ sồng buol gudroi rơlau tợ tũ buol gudroi pơpa pãng-tui.

¹² Mólăm kojẻ lủi, hoi kojẻ truh. Yêu nủn, buol gudroi và prah bẻ du bruã mớsrủ-konăm, sồng cù bẻ ào-pơsơi pơnuai sordah tô tẩmngả.

¹³ Buol gudroi hodiũ tợpả-siàm bẻ yêu nau tợkrah glai hoi: 'buh mớñũm 'bống mớbũ-mớbềng, 'buh dri-sơnh bũng-pơkăl, 'buh tẩmgeh tẩmchồ sồng oàn-mớbai.

¹⁴ Bloh pāl cù bẻ Yàng la Yàng Jêsu Krist, 'buh kroi yêu cù ào-pơsơi tô gờ-dống rúp. Juoi duah pơnuai tô ngã sak-hotai du pơnuai hàm-khiăng gah rúp-phạp drah-rơlo. Nủn la buol adoi-ai pāl tợbiả jỉống mớhiở yêu Yàng Jêsu Krist, tô tũ tợgrở mớnh cớ 'buh buol adoi-ai la cớ 'buh Yàng lăm rài hodiũ buol adoi-ai.

14

Juoi Čahroña Mớnh Pơkỡn

¹ Buol adoi-ai pāl rồ-mả bẻ du mớnh 'buh pràn pơnuai pãng-tui, juoi tẩmpơjai sồng buol guũ mừng du pơnuai sớnhững kroi gớũ.

² Mớnh ni pãng-tui lài droi hủ rợgơi 'bống abih tợgrở mớta, lăm tũ mớnh 'buh khẩng-pràn sớnhững lài mủn 'bống du ớniẩm sớla soh.

³ Mơnih 'bǒng juoi ǎo 'buh sǒp tǒ mơnih 'buh 'bǒng, sǒng mơnih buh 'bǒng juoi ǎhroña mơnih 'bǒng. Koyoa Yàng Pô Lơngì hũ rò-lěng mơnih nũn.

⁴ Adoi-ai gǒu la aràng sǒi bloh khĩn ǎhroña hǒlũn-hǒlǎ mơnih pǒkǒn? Nu dò đǒng halài lơbuh, nũn la bruǎ pô nũ. Bloh nũ rǒu dò đǒng, koyoa Yàng hũ gǒnuǎr ngǎ tǒ nũ dò đǒng kojǎp.

⁵ Mơnih ni sǒnũng lài hǒrǒi ni siàm rǒlau hǒrǒi dih, lǎm tũ du mơnih pǒkǒn nũn ǎo hǒrǒi lơi kũng yǒu gǒu. Lǎm hǒtai-akǒ yàu aràng pǎng-tui nĩn-kojǎp hǒyǒu lơi, nũn pǎng-rǒmiǎ bǛ yǒu nũn.

⁶ Mơnih pǎng-rǒmiǎ hǒrǒi, la pǎng-rǒmiǎ koyoa Yàng; mơnih 'bǒng kũng 'bǒng koyoa Yàng, koyoa buǒl guũn ưnjomũn Yàng Pô Lơngì. Mơnih 'buh 'bǒng kũng 'buh 'bǒng koyoa Yàng, sǒng buǒl guũn kũng ưnjomũn Yàng Pô Lơngì.

⁷ 'Buh hũ aràng sǒi lǎm buǒl gudrǒi koyoa rùp-phũn droi bloh hǒdiũ, kũng 'buh hũ aràng sǒi lǎm buǒl gudrǒi koyoa rùp-phũn droi bloh mǒtai;

⁸ koyoa yah buǒl gudrǒi hǒdiũ, la hǒdiũ tǒ Yàng, sǒng yah buǒl gudrǒi mǒtai, la mǒtai tǒ Yàng. Koyoa nũn, yah hǒdiũ halài mǒtai, buǒl gudrǒi sǒđau la gǎm Yàng abih.

⁹ Pô Krist hũ mǒtai sǒng hǒdiũ wǒ, nũn la tǒ ngǎ Yàng mơnih mǒtai kũng yǒu mơnih hǒdiũ.

¹⁰ Bloh adoi-ai gǒu, kǒđǎ hǒgǛ ǎhroña adoi-ai droi? Halài kǒđǎ hǒgǛ adoi-ai gǒu ǎo 'buh sǒp tǒ adoi-ai droi? Koyoa abih buǒl gudrǒi rǒu pǎl tǒbiǎ dò đǒng tǒ anaũ anih Yàng

Pô Lơngì ǎhroña.

¹¹ Koyoa hũ pơnuai wă:

“Yàng đờm: Kơu mã pơnuai hơdiũ Kơu bloh tởpah-sri lài, abih tởgrở mớnh rơũ ǎ tở-ù khoai tở anaũ Kơu,

Sống tởgrở dơlah rơũ moyòm-pơglòng Yàng Pô Lơngì.” *

¹² Yơu nửn, yàu aràng lăm buởl gudrơi rơũ đờm akhàn wở mửng abih tởgrở bruă lăm rài hơdiũ dơi tở anaũ Yàng Pô Lơngì.

Juơi Ngă Pơnuai Sỡnẽ-Lỗbuh Tở Adơi-Ai Dơi

¹³ Yơu nửn buởl gudrơi juơi ǎhroña gờũ tra, bloh siàm rơlau abih la ngă-nửn yơu ni: dơlǎ rơũ 'buh daũ boh pởtởu ngă sỡnẽ tởkai halài pơnuai ngă sỡnẽ lờbuh lời tở anaũ adơi-ai dơi.

¹⁴ Lăm Yàng Jêsu, dơlǎ thơu sống păng-tui nửn-kojăp lài 'buh hũ phỡn hợgẽ mửng rùp-phủn nửn la sỡ-sỡnoh; bloh nửn la sỡ-sỡnoh sống mớnh lời ǎ nửn la sỡ-sỡnoh.

¹⁵ Yah koyoa mửng sa phỡn-koya 'bỡng bloh adơi-ai gờũ ngă tở adơi-ai dơi jruh-jrui hơtai-hơtiàn, nửn adơi-ai gờũ 'buh hơdiũ tui pơnuai uởn-rỡnăm tra. Juơi koyoa mửng sa phỡn-koya 'bỡng ngă pởlũi-pởlỡhiă mớnh bloh Pô Krist hũ kỡng mớtai ala.

¹⁶ Yơu nửn, juơi luơi du bruă siàm buởl adơi-ai tởbiă jỡng pơnuai tở aràng bởlời-sỏdia.

¹⁷ Koyoa Lợgă Yàng Pô Lơngì 'buh iỡu la bruă 'bỡng bruă mớnửm, bloh la pơnuai

* 14:11 14:11 Êsai 49:18.

rĩng-tơpă, pơnuai rĩng-lơngai, sỡng pơnuai sỡh-sài lăm Yàng Bơngă Sỡch-Sri.

¹⁸ Aràng sỡ tui pơnuai nửn bloh duh bruă Pô Krist, nửn rỡ hủ Yàng Pô Lỡngi siàm-hotai sỡng hủ aràng ỡ prỡng-màng.

¹⁹ Yờu nửn, buớ gudroi tui-duah bẻ du pơnuai hỡgẻ ba truh pơnuai hỡlờ-tảmsờ sỡng ngả kỡh sỡrdah tỡ gỡu.

²⁰ Juoi kỡyoa mủng sa phỡn-kỡya 'bỡng bloh ngả pỡlủi-pỡlỡhiả bruă Yàng Pô Lỡngi. Biả, tỡgrỡ phỡn la gỏh-sỡch, bloh aràng sỡ kỡyoa mủng sa phỡn-kỡya 'bỡng bloh ngả tỡ mỡnih pỏkỡn sỡnẻ lờbuh, nửn la jỡhà sủng biả.

²¹ Siàm rỡlau abih la 'buh 'bỡng rỡlỏ, 'buh mỡnủm ỡlak-tỏpai, sỡng pleh atàh mủng du bruă hỡgẻ hủ rỡgỡi ngả tỡ adỡi-ai dỡi sỡnẻ lờbuh lăm glài sủng.

²² Adỡi-ai gỡu pẵng-tui hỡyờu lời, nửn abih hotai-hotiàn pẵng-rỡmiả bẻ yờu nửn tỡ anau Yàng Pô Lỡngi. Lỡngai-pỏtuah tỡ mỡnih lời 'buh kỡđờng hotai-hotiàn dỡi ngả nỡn-glài tữ ngả pơnuai dỡi thờu la iỡu.

²³ Bloh mỡnih lời sỡnủng-huỡi wỡ-wỡ, 'buh nỡn-kỏjấp la dỡi iỡu, nửn rỡ kỡđờng ngả nỡn-glài yah buớ guỡu 'bỡng. Kỡyoa buớ guỡu 'buh ngả kỡyoa pơnuai pẵng-tui. Bruă hỡgẻ 'buh hủ ngả kỡyoa pơnuai pẵng-tui, la glài-sỡnoh.

15

Păl Hodiủ Hỡlờ-Siàm Sỡng Gỡu Lăm Yàng

¹ Buol gudroi la du mōnih pràn, nũn pãl glãm anòng du pōnuai hōgẽ du mōnih 'buh pràn ngã 'buh jai, bloh 'buh iou mĩn thou ngã tô sòh-siàm hotai-hotiàn rùp-phũn droi soh.

² Yàu aràng lãm buol gudroi pãl ngã sòh-siàm hotai-hotiàn mōnih gōũ sa ploĩ adoi sa 'bãng droi, tô ngã kwơ-màng sǝng bǝ-podǝng buol guũ.

³ Koyoa Pô Krist kũng 'buh ngã tô sòh-siàm hotai-hotiàn rùp-phũn droi, yōu hũ pōnuai wã: “Pōnuai du mōnih klau-potát Yàng hũ tuh abih tǝ ngǝ anà.”*

⁴ Koyoa abih tǝgrǝ pōnuai hũ wã lãm 'Bòn Bơ-àr Sǝch-Sri la tô pǝto-pǝsài sǝng pǝluơ-pǝrơngài buol gudroi. Du pōnuai nũn ngã tǝ buol gudroi pràn-kojǎp hotai-hotiàn sǝng pǝluơ-pǝrơngài buol gudroi, tô gōnũm tǝ nũn buol gudroi hũ pōnuai gōnũm-càng.

⁵ Yòng lǝkơu Yàng Pô Lơngì pōnuai pràn-kojǎp sǝng pōnuai pǝluơ-pǝrơngài, broi tǝ buol adoi-ai hũ sa hotai-sǝnũng sǝng gōũ yōu Yàng Jêsu Krist hũ pǝto,

⁶ tô buol adoi-ai hũ sa hotai-hotiàn, sa kàng-bơbah bloh moyòm-pǝglòng Yàng Pô Lơngì la Ama Yàng Jêsu Krist, Yàng buol gudroi.

⁷ Yōu nũn, buol adoi-ai pãl rò-lẽng bẽ duã gōũ, kũng yōu Pô Krist hũ rò-lẽng buol adoi-ai roi, tô apãn pōnuai màng-kǝcra mǝrai tǝ Yàng Pô Lơngì.

⁸ Dǝlhã yòng đòm, Pô Krist hũ koyoa mũng

* 15:3 15:3 Pǝdik Adoh Moyòm 69:9.

pơnuai-tơpă Yàng Pô Lơngì bloh tơbiã giông
hơlũn-hơlã du mớnh hũ sỏkaũ-kỏli, tô ngả
nĩn-kỏjấp du pơnuai đờm pơguãn hũ bớih tơ du
kỏi-kỏ pàng-yau buới guũ,

⁹ sớng ngả tơ buới làng agàh moyòm-pơglòng
Yàng Pô Lơngì kỏyỏa hỏtai-hỏtiền anit-rỏnỏm
Pô. Yỏu hũ pơnuai wỏ:

“Kỏyỏa nũn, Anà rỏũ moyòm-pơglòng Yàng
tỏkrah tỏgrỏ buới làng,

Sớng adoh moyòm angỏn Pô.” †

¹⁰ Anih pỏkỏn kũng đờm:

“Ớ buới làng agàh, sỏh-sỏi bẻ gỏm sớng buới
làng Yàng.” ‡

¹¹ Sớng lài:

“Ớ abih tỏgrỏ buới làng agàh, adoh-moyòm
Yàng bẻ.

Ớ abih tỏgrỏ buới làng, adoh-moyòm Pô bẻ!”

§

¹² Êsai kũng đờm:

“Mũng Jese rỏũ tơbiã sa akha,

La Pô apỏn-akỏ du buới làng agàh;

Buới làng agàh rỏũ gỏnừm-càng anih Pô.” *

¹³ Yòng lỏkỏu Yàng Pô Lơngì la pỏũn-akỏ
pơnuai gỏnừm-càng, ngả tơ buới adỏi-ai
bỏũ-bẻng tỏgrỏ pơnuai sỏh-sỏi sớng pơnuai
rĩng-lỏngai lỏm pơnuai pỏng-tui, tô gỏnừm tơ
gỏnỏp-gỏnuỏr Yàng Bỏngỏ Sỏch-Sri, buới
adỏi-ai hũ đỏlah-đỏlài pơnuai gỏnừm-càng!

† 15:9 15:9 Pỏđik Adoh Moyòm 18:49. ‡ 15:10 15:10 Akhỏn Wỏ
Pơnuai Adỏt-Adia 32:43. § 15:11 15:11 Pỏđik Adoh Moyòm

117:1. * 15:12 15:12 Êsai 11:10.

DU PƠNUAI PÔTO-K'OKOI SÔNG CUA-ROWANG

(Mừng tãl 15:14 truh tãl 16:27)

Gơnuar-Bruã Pôl

¹⁴ O buol adoi-ai, rùp-phũn dơlũa pãng-tui nĩn-kojăp lài buol adoi-ai la du mơnih baũ-bềng hotai-hotiàn siàm, tởl pơnuai wờng thơu, sông hũ jak-rơgơi lăm pơnuai poto-k'okoi duã gờu.

¹⁵ Bloh lăm bơ-àr wã poyoa tở buol adoi-ai hũ du anih dơlũa đờm pràn sa-sít, nũn la tô pơsởdởr wở tở buol adoi-ai sỏdởr mừng pơnuai anit-bơoi-soh Yàng Pô Lơngì hũ bơoi tở dơlũa,

¹⁶ sa aràng mơnih hơlũn-hơlũa Yàng Jêsu Krist tởkrah du buol làng agàh, ngã gơnuar-bruã mơnih gơnuar poyã phởn duh-dơlbắt tở Pơnuai-Siàm Yàng Pô Lơngì, tô dờng du buol làng agàh tởbiã jờng sa phởn cễ-poyởr duh-dơlbắt siàm hotai Yàng, sông tởbiã jờng sỏcìh-sri koyoa Yàng Bơngã Sỏcìh-Sri.

¹⁷ Yơu nũn, lăm Yàng Jêsu Krist, dơlũa hũ pơnuai tô yeh-dơoi mừng gơnuar-bruã dơlũa duh bruã Yàng Pô Lơngì.

¹⁸ Koyoa dơlũa 'buh khĩn đờm pơnuai hợgẻ pỏkởn rơlau tở du bruã hợgẻ bloh Pô Krist hũ angui dơlũa bloh ngã tởbiã, tô ba du buol làng agàh truh tở pơnuai pãng-bơbah ngã tui Yàng Pô Lơngì, koyoa pơnuai đờm sông koyoa bruã ngã,

¹⁹ koyoa gờnăp-gơnuar mừng pơnuai-ởrih nàl-kơoi, koyoa gờnăp-gơnuar Bơngã Sỏcìh-Sri Yàng Pô Lơngì. Yơu nũn, mừng pơoi-prởng

Jerusalem, nau dǎr truh tơ cǎr Iliri, dơl hǎ hũ
ngǎ wĩl-tỡl gơnuǎr-bruǎ pơto-akhàn
Pơnuai-Siàm Pô Krist.

²⁰ Pơnuai dơl hǎ lớkơu-khiǎng la pơto-akhàn
Pơnuai-Siàm tơ du anih lơi bloh angǎn Pô Krist
ka hũ pơto-akhàn, tồ klàh 'buh bỡ-ngǎ tơ ngỗ
rỡnỡ mớnih pớkỡn,

²¹ yờu hũ pơnuai wǎ:

“Du mớnih ka hũ pơto-akhàn mững Pô, rỡu
'buh Pô,

Du mớnih ka mớhữ mững Pô, rỡu wờng thờu
Pô.” †

Pôl Sỡnững-Rỡcǎng Truh Cũa-Rỡwǎng Rôma

²² Nữn kũng la pơnuai lô amǎng cớkhǎ-pớkỡu
dơl hǎ tữ dơl hǎ khiǎng nau truh cũa-rỡwǎng
buớl adỡi-ai.

²³ Bloh tữ ni, lǎm du cǎr ni 'buh hũ anih lơi tơ
dơl hǎ tra; rỡlau tỡ nữn wỡ, mững lô thũn ni
bớjỡ, dơl hǎ sớđǎu lớkơu-khiǎng biǎ truh
cũa-rỡwǎng buớl adỡi-ai.

²⁴ Dơl hǎ gờnừm-càng rỡu pleh cũa-rỡwǎng
buớl adỡi-ai lǎm jờlàn nau tỡ lớgǎr Españ‡,
sỡng hỡdỡi tữ hũ sớp-sờh hótai-hótiàn kỏyỏa
hũ dò sỡng buớl adỡi-ai lǎm sa-sít tữ-hỡrỡi,
dơl hǎ rỡu yờng buớl adỡi-ai nau bớnau dơl hǎ
truh tỡ lớgǎr nữn.

²⁵ Bloh tữ ni, dơl hǎ pǎl nau tỡ Jerusalem tồ
dỡng bruǎ buớl làng sớcìh-sri tỡ anih nữn.

²⁶ Kỏyỏa du mớnih pǎng-tui Yàng lǎm
Masedoan sỡng Acai hũ sỡh-siàm hótai-hótiàn

† 15:21 15:21 Êsai 52:15. ‡ 15:24 15:24 Tây Ban Nha.

rì-tơgùm sa-sít priă, tô đống du mơnih siốu rơ'bah lăm tơpuol buol làng sớch-sri Yàng dò tơ Jerusalem.

²⁷ Buol guñu sớh-siàm hotai-hotiàn ngã bruă nửn, bloh tốpă biă buol guñu kũng kớđòng sre sống du mơnih nửn rơi. Koyoa yah buol làng agàh hủ du mơnih nửn bới pớrpha du pớnuai lợngai-siàm gah bợngă, nửn buol guñu kũng păl apăn phớn-bợna gah rài hớdiủ drah-rợlo bloh đống-kờl wớ rơi.

²⁸ Koyoa nửn, hớđoi tử ngã wíl-tớl bruă ni, nửn la hớđoi tử bới-pớrpha du phớn đống-kờl ni truh tơ buol guñu bớjợ, đớlhă rợủ tợbiă nau, pleh cũa-rợwăng buol adợi-ai bloh nửn nau tợ lợgăr Españ.

²⁹ Đớlhă thợu tử truh cũa-rợwăng buol adợi-ai, đớlhă rợủ truh sống pớnuai anít-bới-soh đớlah-dợlài mửng Pô Krist.

³⁰ Ở buol adợi-ai, koyoa Yàng buol gudrợi la Yàng Jêsu Krist, sống koyoa pớnuai anít-rợnăm mửng Bợngă Sớch-Sri, đớlhă yòng lợkợu buol adợi-ai păl găm sống đớlhă, tằmngă bẻ lăm du pớnuai iợu-lài bloh buol adợi-ai hủ koyoa đớlhă pồ-pợyợr đi tợ Yàng Pô Lợngì,

³¹ tô đớlhă hủ đống-toleh klàh mửng tợngàn du mơnih 'buh păng-tui lăm cầ Jude, sống gợnuar-bruă đớlhă tử truh tợ Jerusalem rợủ hủ du mơnih păng-tui Yàng sớh hotai đồ-lợng.

³² Hủ yợu nửn, đớlhă rợủ sớh-sài hotai-hotiàn truh cũa-rợwăng buol adợi-ai, sống yah siàm-hotai Yàng Pô Lợngì, đớlhă kũng rợgợi hủ dò pợgleh sống buol adợi-ai rợi.

³³ Yòng lợkơu Yàng Pô Lơngì, la Pô bơri
pơnuai rĩng-lơngai, dò sỡng abih buol adơi-ai!
Amen.

16

*Pôl Pơyoa Pơnuai Đòm Pothơu Dơlơu Mỡng
Phebe, Mỡnih Kơmơi Dỡng Bruả Lăm Tờrpuol
Goh-Sỡchih*

¹ Dơlhả yòng đòm pothơu dơlơu sỡng buol
adơi-ai mỡng Phebe, mỡnih adơi-ai kơmơi buol
dơlhả, kỡng la mỡnih kơmơi dỡng bruả Tờrpuol
Goh-Sỡchih Senkre.

² Yòng buol adơi-ai wả-rò nử iỡu pảl lăm
Yàng, yờu wả-rò du mỡnih sỡchih-sri duh bruả
Yàng, sỡng dỡng-kờl nử lăm yàu tử nử hử
pơnuai hợgẻ pảl cầng truh buol adơi-ai dỡng,
kơyoa rùp-phủn nử hử dỡng-kờl lô mỡnih, sỡng
kỡng dỡng-kờl gẵm rùp-phủn dơlhả rơi.

Pơnuai Cũa-Rơwẵng

³ Yòng bơri dơlhả pơyoa pơnuai cũa-rơwẵng
Prissil sỡng Akila, du mỡnih ngả bruả gẵm sỡng
dơlhả lăm Yàng Jêsu Krist,

⁴ la dua aràng mỡnih hử kỡng prah-luợi
pơnuai hợdiủ dời kơyoa dơlhả; 'buh iỡu mỡn sa
aràng dơlhả soh pảl ưnjờmỡn buol guỡn, bloh
gẵm abih tợgrỡ Tờrpuol Goh-Sỡchih tợkrah buol
làng agàh kỡng pảl ưnjờmỡn buol guỡn rơi.

⁵ Kỡng yòng pơyoa pơnuai cũa-rơwẵng
Tờrpuol Goh-Sỡchih pợjũm-pợtòm lăm sầng dua
aràng buol guỡn.

Yòng poyoa pơnuai của-rơwǎng Ebainet, mơnih adoi-ai dơlhǎ rơnǎm biǎ. Nư mớhiở yơu la boh akỏ thũn tơ Pô Krist lǎm ǎr Asi.

⁶ Yòng poyoa pơnuai của-rơwǎng Mari, mơnih hũ ngǎ bruǎ gleh-glǎr koyoa buớl adoi-ai.

⁷ Yòng poyoa pơnuai của-rơwǎng Anrôniko sống Junia, mơnih gờu-gǎn sống dơlhǎ, sống kũng la mơnih kớđong dò jǎm gǎm sống dơlhǎ. Buớl guũn la du mơnih hũ ớ prớng-màng tởkrah tởpướl mơnih tởdi-tởdài, sống hũ dò lǎm Pô Krist dờlhou dơlhǎ.

⁸ Yòng poyoa pơnuai của-rơwǎng Amplias, mơnih dơlhǎ rơnǎm biǎ lǎm Yàng.

⁹ Yòng poyoa pơnuai của-rơwǎng Urban, mơnih adoi-ai gờu ngǎ bruǎ gǎm sống dơlhǎ lǎm Pô Krist, sống Etacis, mơnih adoi-ai gờu dơlhǎ rơnǎm biǎ.

¹⁰ Yòng poyoa pơnuai của-rơwǎng Apel, mơnih hũ pớlòng-ớruh lǎm Pô Krist. Yòng poyoa pơnuai của-rơwǎng tởgrở mơnih lǎm sǎng-dơnò Aritỏbul.

¹¹ Yòng poyoa pơnuai của-rơwǎng Herỏdiỏn, mơnih gờu-pỏtiẻn sống dơlhǎ. Yòng poyoa pơnuai của-rơwǎng du mơnih lǎm sǎng-dơnò Nasit, la du mơnih lǎm Yàng.

¹² Yòng poyoa pơnuai của-rơwǎng Triphẻnớ sống Triphỏsớ, la dua arẻng sớ-ai kớmới hũ kớng gleh-glǎr koyoa Yàng. Yòng poyoa pơnuai của-rơwǎng Presit, mơnih sớ-ai kớmới dờlhǎ rơnǎm biǎ, mơnih hũ ngǎ bruǎ gleh-glǎr koyoa Yàng.

¹³ Yòng poyoa pơnuai của-rơwǎng Ruphus,

mơnh hủ Yàng iou-rowah, sồng poyoa pơnuai
 của-rowăng ame nũ kũng la ame dơlhă rơi.

14 Yòng poyoa pơnuai của-rowăng Asing-krit,
 Phơlegôn, Herme, Patrôpas, Herma, sồng abih
 du adơi-ai dò sồng buol guñu.

15 Yòng poyoa pơnuai của-rowăng Philôlôgơ
 sồng Juli, sơ-ai Nere sồng gơũ kơmơi nũ, găm
 sồng Olimpa sồng abih tơgrữ mơnh sớch-sri
 dò sồng buol guñu.

16 Yòng buol adơi-ai mã bẻ pơnuai
 cữm-rơnăm sớch-sri bloh của-rowăng gơũ.
 Abih tơgrữ Tơpuol Goh-Sớch Pô Krist poyoa
 pơnuai của-rowăng buol adơi-ai.

Pơnuai Poto-Kơkơi Hơdơi Lũ

17 Ở buol adơi-ai, dơlhă poto-kơkơi buol
 adơi-ai pãl cở-kơrhia bẻ mững du mơnh ngă
 pơcơrlah kơi tơpuol sồng ngă pơnuai
 potúp-sùng, tãmdră-wở sồng pơnuai poto-pơsài
 bloh buol adơi-ai hủ mơgru. Pleh atàh bẻ
 mững buol guñu!

18 Koyoa du mơnh nữn 'buh duh bruă Pô
 Krist, Yàng buol gudrơi, bloh duh bruă tơ tũng
 buol guñu. Buol guñu angui du pơnuai
 jơmàn-bơngi, đòm pơluơ-hotai tô pỡng-gơla du
 mơnh hủ hotai-hotiàn tốpă-tơpe.

19 Mững bruă buol adơi-ai pãng-bơbah ngă
 tui Yàng nữn aràng soi aràng nữn kũng hủ thơu
 bơjơ, koyoa nữn dơlhă sờh-sài biă mững buol
 adơi-ai. Bloh dơlhă khiăng buol adơi-ai
 jak-khờh mững pơnuai siàm, sồng goh-sớch
 mững pơnuai mớsak-jờhà.

²⁰ Yàng Pô Lôngì la Pô bươi pơnuai rĩng-lôngai, 'buh hơdùm suor tra rồu juă-trồm komlài Satàn tơ ala tơkai buor adoi-ai. Yòng lơkơu Yàng Jêsu, Yàng buor gudroi, bươi pơnuai anit-bươi-soh tơ buor adoi-ai!

Pơnuai Cũa-Rowăng Mừng Du Adoi-Ai Gờ Sờng Pôl

²¹ Timôthe, mơnih ngă bruă găm sờng dơhă pơyoa pơnuai cũa-rowăng buor adoi-ai. Lusius, Jasôn sờng Sôsipater, la mơnih gờu-potian sờng dơhă kùng pơyoa pơnuai cũa-rowăng buor adoi-ai rơi.

²² Dơhă la Tertius, mơnih đờng Pôl wă bơ-àr pơyoa ni, yòng pơyoa pơnuai cũa-rowăng buor adoi-ai lăm Yàng.*

²³ Gaius, mơnih wă-rò dơhă sờng wă-rò abih Torpuor Goh-Sơih, yòng pơyoa pơnuai cũa-rowăng buor adoi-ai.

Erastơ, mơnih kwăng apăn-akố sàng pìoh priă lăm pìoi-prờng, sờng Kartus, mơnih adoi-ai buor gudroi, kùng pơyoa pơnuai cũa-rowăng buor adoi-ai rơi.

²⁴ Yòng lơkơu pơnuai anit-bươi-soh mừng Yàng Jêsu Krist, Yàng buor gudroi, dò sờng abih buor adoi-ai. Amen.

Pơnuai Ủnjomùn

²⁵ Moyòm-pơglòng Pô hữ gơnuăr ngă kojăp-pràn buor adoi-ai tui Pơnuai-Siăm dơhă poto-akhàn, nửn la pơnuai poto-akhàn mừng Pô Yàng Jêsu Krist, tui pơnuai akhàn-tơbiă

* **16:22 16:22** Tertius mĩn la mơnih wă đờng Pôl. Pôl đờm yờu lơi nửn wă tui yờu nửn.

mững pơnuai tởđơũ-dơlăm sớđau hũ
bớđơũ-tởđơũ mững tởgrở rài dơlơu,

²⁶ bloh tử ni, tui gơnuả-pơđãr Yàng Pô Lơgì,
la Pô hơdiũ rài pơdò rài, sớng kơyoa du bớ-à
pơnuai gơnuả-hwởr, pơnuai tởđơũ-dơlăm hũ
ràng-tớbiã tở abih tởgrở buớ làng thơu, tô buớ
guũ păng-tui bloh păng-bớbah ngã tui Yàng Pô
Lơgì.

²⁷ Mìn sa aràng Yàng Pô Lơgì la Pô jak-khờ
rơlau abih, hũ pơnuai màng-kớcrà dò rài pơdò
rài kơyoa Yàng Jêsu Krist. Amen.

Chru
Chru: Chru (New Testament)

copyright © 2020 Wycliffe Bible Translators, Inc.

Language: Chru

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 11 Mar 2026 from source
files dated 1 May 2025

29890c73-845e-5b2d-84d7-4d631546315a